

ԵՐԱԿՐԹՆԵԱ

ՄԱՅՐ ԱԹՈՌ ՍՈՒՐԲ ԷԶՍԻԱԾՆԻ
ԿՐՈՆԱԿԱՆ, ՄՇԱԿՈՒԹԱՅԻՆ,
ԼՐԱՏՎԱԿԱՆ ԵՐԿՇԱԲԱԹԱԹԵՐԸ

ԸՆԴՈՒՆԵԼՈՒԹՅՈՒՆՆԵՐ ՎԵՇԱՐԱՆՈՒՄ Ամենայն Հայոց Կաթողիկոսն ընդունեց

28 հունիսի

Էջմիածնի քաղաքապետի պաշտոնակատարին



Ն. Ս. Օ. Տ. Տ. Գարեգին Բ Ճայրագույն Պատրիարք եւ Ամենայն Հայոց Կաթողիկոսն ընդունեց Էջմիածնի քաղաքապետի պաշտոնակատար Դիանա Գասպարյանին:

Ամենայն Հայոց Կաթողիկոսը նշանակման առիթով շնորհավորեց քաղաքապետի պաշտոնակատարին եւ վստահություն հայտնեց, որ նա ազգանվեր ծառայությանը իր ջանքերը կներդնի ի նպաստ քաղաքի բարեկարգման եւ կենսամակարդակի բարձրացման:

Նորին Սրբությունն անդրադարձավ Մայր Աթոռի կողմից իրականացված նախաձեռնություններին, որոնց շնորհիվ քաղաքն ավելի ներկայաճախի եւ գրավիչ է դարձել այցելուների համար, ինչպես նաեւ ներկայացրեց ապագա ծրագրերը: Այս առումով Ամենայն Հայոց Կաթողիկոսը կարեւորեց գործակցությունը հայոց հոգեւոր կենտրոնի եւ քաղաքապետարանի միջեւ:

Իր հերթին Դիանա Գասպարյանը շնոր-

հակալություն հայտնեց Վեհափառ Հայրապետին՝ ընդունելության եւ օրհնության համար՝ ուրախություն արտահայտելով Ամենայն Հայոց Կաթողիկոսի հետ իր առաջին հանդիպման կապակցությամբ: Քաղաքապետի պաշտոնակատարը նաեւ կարեւորեց Հայ Առաքելական Եկեղեցու, մասնավորապես՝ Մայր Աթոռի կողմից իրականացվող սոցիալական, բարեգործական ու կրթական ծրագրերը: Վերջինս պատրաստակամություն հայտնեց էլ առավել սերտացնելու առկա համագործակցությունը՝ ներդրում ունենալով Մայր Աթոռի հայրենաշեն ծրագրերում:

Զրույցի ընթացքում Գարեգին Բ Հայրապետն ու Դիանա Գասպարյանն անդրադարձան Էջմիածնի քաղաքի խնդիրների հաղթահարման ուղղությամբ ձեռնարկվող քայլերին:

Հանդիպմանը ներկա էր Մայր Աթոռի վարչատնտեսական բաժնի տնօրեն Մուշեղ եպս Բաբայանը:

Վեհափառ Հայրապետը, ողջունելով հյուրին, կարեւորեց վերջինիս այցը Մայր Աթոռ Սուրբ Էջմիածին, որը պիտի նպաստի երկու ժողովուրդների հարաբերությունների առավել սերտացմանը եւ փոխգործակցության զարգացմանը: Ամենայն Հայոց Կաթողիկոսն ընդգծեց, որ Իսրայելի գլխավոր ռաբբինաթի հետ եղբայրական հարաբերություններն ունեն հարուստ պատմություն, եւ սույն հանդիպումը Մայր Աթոռում պատշաճ առիթ է՝ կապերի զարգացման նոր հնարավորություններն ուսումնասիրելու համար:

Նորին Սրբությունն անդրադարձ կատարեց հայ եւ հրեա ժողովուրդների կապերին, որ գալիս են դեռեւս աստվածաշնչյան ժամանակներից, խոսեց դեռեւս 7-րդ դարում հաստատված Երուսաղեմի Հայոց Պատրիարքության կարեւոր առաքելության մասին:

Վեհափառ Հայրապետը գոհունակությամբ շեշտեց, որ սփյուռքյան թեմեր իր հովվապետական այցերի ընթացքում բազմիցս ականատես է դարձել հայ եւ հրեա համայնքների եղբայրական ջերմ հարաբերություններին: Ժողովուրդների միջեւ բարեկամական կապերի զորացման գործում կարեւոր համարեց նաեւ Հայաստանի հրեական համայնքի դերակատարությունը:

Երկկողմ օրակարգը, Գարեգին Բ Վեհափառի հավաստմամբ, բավականին հարուստ է եւ ի շարս այլ հարցերի՝ ընդգրկում է Իսրայելի պետության կողմից Հայոց ցեղասպանության ճանաչման եւ Ադրբեջանին ռազմամթերքի վաճառքի խնդիրները, որոնց Մայր Աթոռը կենսական կարեւորություն է տալիս:

Իր հերթին ռաբբի Դեյվիդ Շլոմո Ռոզենը նշեց, որ երկու երկրների հոգեւոր առաջնորդների գործակցությունը կարող է լավագույն միջոցը դառնալ երկու ժողովուրդների առջեւ ծառացած մարտահրավերների լուծման գործում:

Վեհափառ Հայրապետը եւ ռաբբի Ռոզենը համակարծիք էին, որ երկկողմ օրակարգում առկա բոլոր հարցերն ավելի հեշտ կլինի ըննարկել հարաբերությունների զարգացման, միջկրոնական երկխոսության համար նոր ձեւաչափեր ստեղծելու պարագայում:

Հանդիպմանը ներկա էին Մայր Աթոռի արտաքին հարաբերությունների եւ արարողակարգի բաժնի տնօրեն Նաթան արք. Հովհաննիսյանը, Մայր Աթոռի միջեկեղեցական հարաբերությունների բաժնի պատասխանատու Շահե ծ. վրդ. Անանյանը եւ Գեւորգյան հոգեւոր ծննդարանի տեսուչ Գարեգին վրդ. Համբարձումյանը:

11 հուլիսի

Պապական նվիրակին

Ամենայն Հայոց Կաթողիկոսն ընդունեց պապական նվիրակ եւ Անտոնյանի տիտղոսակիր արքեպիսկոպոս Խոսե Ավելինո Բետտամակուչին:

Վեհափառ Հայրապետը, ողջունելով պապական նվիրակին, շնորհավորեց վերջինիս նշանակման առիթով եւ մաղթեց արդյունավոր գործունեություն:

Վեհափառ հայրապետն ուրախությամբ արձանագրեց, որ իր գահակալության շրջանում Հայոց Եկեղեցու եւ Հռոմի Կաթոլիկ Եկեղեցու միջեւ հարաբերություններն առավել ջերմացել են ու զորացել: Նորին Սրբությունը գոհունակությամբ անդրադարձավ Հռոմի Հովհաննես-Պողոս Բ եւ Ֆրանցիսկո Սրբազան Քահանայապետների այցելություններին Հայաստան, որոնք վկայում են քրիստոնեությունն իբրեւ պետական կրոն առաջին ընդունած ժողովրդի հանդեպ ջերմ սիրո մասին:

Գարեգին Բ Կաթողիկոսը հույս հայտնեց, որ նորանշանակ պապական նվիրակը եւս աշխույժ ջանքեր կգործադրի երկու Եկեղեցիների բարեկամական կապերն առավել ամրապնդելու ուղղությամբ:

Իր հերթին Խոսե արքեպիսկոպոս Ավելինո Բետտամակուչը խորին շնորհակալություն հայտնեց Ամենայն Հայոց Կաթողիկոսին՝ ջերմ ընդունելության համար՝ նշելով, որ առավելագույն չափով ամեն ջանք ու ճիգ կներդնի երկու Աթոռներին օգտակար ծառայություններ ցուցնելու համար: Պապական նվիրակը նաեւ Սրբազան Քահանայապետի սերն ու զորակցությունը փոխանցեց Մայր Աթոռ Սուրբ Էջմիածնին ու նրա գահակալին:



Հանդիպման ընթացքում անդրադարձ կատարվեց արդի մարտահրավերներին եւ դրանց հաղթահարմանն ուղղված ուղիներին:

Վերջում Վեհափառ Հայրապետն իր օրհնությունը բերեց պապական նվիրակին՝ մաղթելով Աստծո օգնականությունն իր սրբազան առաքելության մեջ:

Հանդիպմանը ներկա էին Մայր Աթոռի արտաքին հարաբերությունների եւ արարողակարգի բաժնի տնօրեն Նաթան արք. Հովհաննիսյանը եւ Մայր Աթոռի միջեկեղեցական հարաբերությունների բաժնի պատասխանատու Շահե ծ. վրդ. Անանյանը:

9 հուլիսի

ԱՄՆ հրեական կոմիտեի միջկրոնական գործերի բաժնի տնօրենին



Ամենայն Հայոց Կաթողիկոսն ընդունեց ԱՄՆ հրեական կոմիտեի միջկրոնական գործերի բաժնի տնօրեն, Իսրայելի գլխավոր ռաբբինաթի խորհրդական ռաբբի Դեյ-

վիդ Շլոմո Ռոզենին՝ ուղեկցությամբ Մայր Աթոռի միաբան Խաժակ արք. Պարսամյանի եւ ԱՄՆ հայկական միության նախագահ Էմթոնի Պարսամյանի:

Ամենայն Հայոց Կաթողիկոսի օրհնության խոսքը հայագիտական միջազգային գիտաժողովին

Հունիսի 28-ին Ն. Ս. Օ. Ս. Տ. Գարեգին Բ Ծայրագույն Պատրիարք եւ Ամենայն Հայոց Կաթողիկոսի օրհնության ժամը Մայր Աթոռ Ս. Էջմիածնի միաբան Ջաքարիա Ծ. վրդ. Բաղդույանը Մեսրոպ Մաշտոցի անվան Մատենադարանում ակադեմիկոս Լեւոն Խաչիկյանի ծննդյան 100-րդ տարեդարձի առիթով կազմակերպված հայագիտական միջազգային գիտաժողովի մասնակիցներին փոխանցեց Վեհափառ Հայրապետի օրհնության խոսքը, որում ասվում է.

«Մայր Աթոռ Ս. Էջմիածնից ողջունում ենք Մեսրոպ Մաշտոցի անվան Մատենադարանի հիմնադիր տնօրեն, ակադեմիկոս, բարեհիշատակ Լեւոն Խաչիկյանի ծննդյան 100-րդ տարեդարձի առիթով Հայագիտական միջազգային գիտաժողովի կազմակերպումը՝ նվիրված միջնադարյան Հայաստանի պատմությանն ու մշակույթին, հայկական ձեռագրական ժառանգությանը:

Մեր երկրի ու ժողովրդի կյանքում արդյունաշատ վաստակ ունի ամվանի հայագետ, ակադեմիկոս Լեւոն Խաչիկյանը: Որպես Մեսրոպ Մաշտոցի անվան Մատենադարանի հիմնադիր տնօրեն՝ նա իր ողջ կյանքը նվիրեց Մատենադարանի արդյունավոր գործունեությանը, որտեղ խորհրդային տարիներին տեղափոխվեցին մեր վանքերի լուսավոր հարկերի ներքո դարեր



ի վեր ստեղծված ու խնամքով պահպանված ձեռագիր մատյանները: Վաստակաշատ ակադեմիկոսի ղեկավարության ներքո Մատենադարանը կարճ ժամանակում դարձավ գիտական հզոր կենտրոն, որը մեծ ճանաչում ձեռք բերեց նաեւ Հայաստանից դուրս: Մատենադարանի հարկի ներքո համխմբվեցին գիտության բազում նվիրյալ

ներ, ովքեր իրենց անդուլ, քրտնաջան աշխատանքով մոր զարգացում պարզեցին հայագիտությանը՝ իր բոլոր ծյուղերով ու ոլորտներով:

Պահպանվող հոգեւոր գանձերով՝ Մատենադարանը եղել եւ շարունակում է հարազատորեն կապված մնալ Առաքելական մեր Սուրբ Եկեղեցուն, եւ այսօր առանձնակի

գնահատանքով ենք անդրադառնում, որ տակավին Լեւոն Խաչիկյանի ղեկավարության տարիներից ձեռավորվել է սերտ համագործակցություն Մատենադարանի եւ Մայր Աթոռ Ս. Էջմիածնի միջեւ՝ ի նպաստ հայ գիտության զարգացման:

Մեծ ու գնահատարժան է նաեւ Լեւոն Խաչիկյանի գիտական ժառանգությունը: Մայր Հայրենիքում ու նրա սահմաններից հեռու լայնորեն ծանոթ են նրա գրքերն ու ուսումնասիրությունները, որոնք լույս են սփռում մեր ժողովրդի պատմության էջերին: Նա կարեւոր մասնակցություն բերեց Հայկական հանրագիտարանի եւ «Հայ ժողովրդի պատմություն» բազմահատորյակի կազմման, մեծաթիվ մատենաշարերի խմբագրման ու հրատարակության գործում: Նրա վաստակը արժանապես գնահատված է գիտական ամենաբարձր կոչումներով ու պարգևներով:

Մայր Աթոռ Ս. Էջմիածնից հայրապետական Մեր օրհնությունն ենք հղում գիտաժողովի կազմակերպիչներին ու բոլոր մասնակիցներին՝ մաղթելով ստեղծագործական նորանոր հաջողություններ ու ձեռքբերումներ՝ ի նպաստ հայ գիտական մտքի զարգացման ու առաջընթացի:

Բարի ընթացք ու հաջողություններ գիտաժողովի աշխատանքներին»:



Հոգեհանգիստ Գարեգին Ա Հայրապետի հոգու խաղաղության համար

Հուլիսի 1-ին Մայր Աթոռ Սուրբ Էջմիածնում մատուցվեց Պատարագ:

Սրբազան արարողության ավարտին, նախագահությամբ Ն. Ս. Օ. Ս. Տ. Գարեգին Բ Ծայրագույն Պատրիարք եւ Ամենայն Հայոց Կաթողիկոսի, երջանկահիշատակ Գարեգին Ա Կաթողիկոսի շիրմի առջեւ

կատարվեց հոգեհանգստյան կարգ՝ Հայրապետի մահվան 19-րդ տարեիցի առիթով:

Եկեղեցականաց դասը եւ ուխտավոր հայորդիները աղոթք բարձրացրեցին առ Աստված՝ լուսահոգի Գարեգին Ա Կաթողիկոսի հոգու խաղաղության եւ հանգստության համար:

Հավատացյալների երկրպագության համար դուրս բերվեց աստվածամուկ սուրբ Գեղարդը



Հուլիսի 7-ին Ն. Ս. Օ. Ս. Տ. Գարեգին Բ Ծայրագույն Պատրիարք եւ Ամենայն Հայոց Կաթողիկոսը եկեղեցականների հանդիսավոր թափուրով առաջնորդվեց Միածնաէջ Մայր տաճար:

Նորին Սրբությունը Մայր տաճարի ավանդատուն-թանգարանից դուրս բերեց աստվածամուկ ս. Գեղարդը՝ հավա-

տացելոց օրհնության եւ երկրպագության համար:

Հայոց Հայրապետը Պահպանիչ աղոթքով օրհնեց ներկաներին՝ հայցելով Աստծո պահպանությունն ու օգնականությունն ամենքին:

Ս. Գեղարդը Մայր տաճարում մնաց մինչեւ Երեկոյան ժամերգության ավարտը:

Ամենայն Հայոց Կաթողիկոսն այցելեց մարտական դիրքեր

Հուլիսի 7-ին Ն. Ս. Օ. Ս. Տ. Գարեգին Բ Ծայրագույն Պատրիարք եւ Ամենայն Հայոց Կաթողիկոսը Մայր Աթոռ Ս. Էջմիածնի միաբանների ուղեկցությամբ այցելեց հայ-արքերջանական միջպետական սահմանի՝ նախիջեւանյան հատվածի տարբեր մարտական դիրքեր:

Ամենայն Հայոց Կաթողիկոսին այնտեղ դիմավորեցին ՀՀ ՁՈՒ ԳԵ պետի տեղակալ գեներալ-լեյտենանտ Ստեփան Գալստյանը, Ռ զորամասի հրամանատարական կազմը եւ ՀՀ ՁՈՒ հոգեւոր առաջնորդ Վրթանես եպս Աբրահամյանը՝ զնդերեցների ուղեկցությամբ:

Բանակի սպաների եւ զինվորների հետ զրուցում Վեհափառ Հայրապետն իր մտահոգությունը հայտնեց Ադրբեջանի կողմից վերջին շաբաթներին սանձազերծված լարվածության աճի վերաբերյալ: Նորին Սրբությունը, աղոթելով հայրենի երկրի խաղաղության համար, երկնավորից հայցեց, որ հայոց զորականների բազուկը միշտ հաղթական լինի, եւ կարողանան իրենց քաջարի ոգով պաշտպանել Հայոց աշխարհի խաղաղությունը, իրենց մայրերի եւ քույրերի անդորրը:

Դիրքապահների ուղեկցությամբ տեղում



դիտարկելով վերջին զարգացումները՝ Գարեգին Բ Կաթողիկոսն իր գնահատանքն ու օրհնությունը բերեց մարտական հերթապահություն իրականացնող զինվորներին ու նրանց ընծայեց խաչեր ու Աստվածաշունչ մատյաններ՝ մաղթելով խաղաղ ու անվտանգ ծառայություն:

Հայրենյաց պաշտպանների հետ զրույցում Վեհափառ Հայրապետը մասնավորա-

պես մշեց, որ հայ զինվորը մշտապես իր աղոթքներում է: Անդրադառնալով Բանակ-Եկեղեցի կապին՝ Հայոց Հայրապետն ընդգծեց. «Տարակույս չունենաք, ինչպես անցյալում, այնպես եւ այսօր ու ապագայում, հայ հոգեւորականը լինելու է հայ զինվորի կողքին, լինելու է առաջնագծում»: Սահմանապահ զինվորականներին Ամենայն Հայոց Կաթողիկոսը հրավիրեց ծառայության

ավարտին այցելել Մայր Աթոռ Ս. Էջմիածին եւ հյուրընկալվել Հայոց Հայրապետին:

Զինվորականները շնորհակալություն հայտնեցին Ամենայն Հայոց Կաթողիկոսին՝ օրհնության եւ զորակցության խոսքերի համար, ու փոխադարձաբար մաղթեցին ուժ ու երկար տարիների կյանք Հայաստանյայց Առաքելական Ս. Եկեղեցուն իր ծառայության մեջ:



Գեւորգյան հոգեւոր ճեմարանի 2017-2018 ուսումնական տարվա փակումը

Հունիսի 3-ին, նախագահությամբ Ն. Ս. Օ. Տ. Տ. Գարեգին Բ Շայրագոյն Պատրիարք եւ Ամենայն Հայոց Կաթողիկոսի, տեղի ունեցավ Գեւորգյան հոգեւոր ճեմարանի՝ 2017-2018 ուսումնական տարվա փակման հանդիսությունը:

Միջոցառումը բացվեց միասնական՝ Տեղումնական աղոթքով, որից հետո հնչեցին ՀՀ եւ ճեմարանի օրհներգերը:

Այնուհետեւ խոսք ասաց ճեմարանի տեսուչ Գարեգին վրդ. Համբարձումյանը:

«Յուրաքանչյուր տարի ճեմարանական կյանքի վրա, որպես ամենուրեք հիշատակ ուսումնական բուռն գործընթացի, դաջվում է աղոթական հոգեւորական ապրումների ու պարզ ընտանեկան՝ քրիստոնյա համայնքին հատուկ անցուղարձի կնիքը:

Հոգեւոր կրթության առանցքում ընկած է զոհողության ոգին, որը թրծվելով վեցամյա բովում՝ վերածվում է ծառայելու պատրաստականության: Ընդ որում, ճեմարանի կրթությունը հաջողված պիտի համարվի, եթե այստեղ ավարտող ցանկացած սան գիտակցի, որ դեռեւս մի ողջ օվկյան գիտության եւ իմաստության մնացել է անմկաճ իր կյանքում: Այսուհանդերձ, իր տարիների ուսումը բարերար հարթակ պիտի ստեղծի ու անհագուրդ ցանկություն՝ իր մնացյալ ծառայական կյանքը դարձնելու ոչ այլ բան, քան Աստծո միջոցով աշխարհը բացահայտելու ճանփորդություն՝ չմոռանալով իհարկե սուրբ Նազիազանցի Հայրապետի խոսքերը. «Հիշիր Աստծուն ավելի հաճախ, քան դու շնչում ես», - ասաց տեսուչ հայր սուրբը:

Գարեգին վարդապետը տեղեկացրեց անցած ուսումնական տարում արձանագրված հաջողությունների մասին: Տեղեկացվեց, որ ընթացիկ ուսումնական գործընթացները համեմատվեցին մշակութային միջոցառումների մասնակցությամբ, միջհամալսարանական հրավիրվեցին հեղինակավոր դասախոսներ Ռուսաստանից, ԱՄՆ-ից, Ֆրանսիայից, Իսրայելից եւ այլն: Գիտելիքները ծառայության մեջ կիրառելու նպատակով՝ ճեմարանականներից շատերն այցելել են մանկատներ, ծերանոցներ, հիվանդանոցներ ու բարեսիրական այլ կառույցներ, նաեւ երեւանի եւ Էջմիածնի տարածաշրջանի երիտասարդական որոշ հաստատություններ:

Տեսուչը հայտնեց, որ Վեհափառ Հայրապետի օրհնությամբ այս տարի եւս ճեմարանի սաները մեկամայա ամառային ծառայության կմեկնեն Հայաստանի, ինչպես նաեւ Ռուսաստանի, Եվրոպայի եւ ԱՄՆ-ի թեմեր՝ հմտանալու թեմական, հովվական ծառայության մեջ: Տեղեկացվեց նաեւ, որ վերջերս տեղի ունեցան Գեւորգյան հոգեւոր ճեմարանի մասպիրանտուրայի առաջին դիմորդների ընդունելության քննությունները, ինչի արդյունքում առաջիկա ուսումնական

տարում ճեմարանը կգործի ամբողջական եռաստիճան կրթության ձեւաչափով:

Հայր սուրբն իր երախտագիտությունը հայտնեց դասախոսներին եւ տեսչական կազմին՝ նվիրումի եւ շահեկան համագործակցության, վերատեսուչ սրբազանիմ՝ օժանդակության եւ օգտակար խորհուրդների համար:



Ամրադառնալով ճեմարանի ու առհասարակ հոգեւորականների կրթության հանդեպ Նորին Սրբության ուշադրությանը, որպես ապացույց հայրական սիրո, այս առաքելության հանդեպ մեծ հավատքի ու տեսիլքի, հայր Գարեգինը Վեհափառ Հայրապետին ճեմարանի տեսչության, դասախոսական եւ ուսանողական կազմերի անունից փոխանցեց ներկաների սերն ու որդիական խոնարհումը:

Այնուհետեւ երաժշտական կատարումներով հանդես եկավ Գեւորգյան հոգեւոր ճեմարանի երգչախումբը՝ ղեկավարությամբ Արտաշես Բաբուրյանի: Ուսանողության անունից խոսք ասաց ավարտական՝ 6-րդ լսարանի սան Դավիթ սրկ. Սահակյանը, իսկ Նարեկ Գասպարյանը (2-րդ լսարան) ասումնքեց Հ. Թումանյանի «Հայրենիքիս հետ» բանաստեղծությունը: Քահանայից պատրաստության շրջանավարտ լսարանի սաների անունից իր շնորհակալական խոսքն ուղղեց ներկաներին Միքայել դպիր Փարսադանյանը:

Ներկաներին ողջունեց նաեւ Մայր Աթոռի հոգեւոր-կրթական բարձրագույն հաստատությունների վերատեսուչ Գեւորգ եպս Սարգսյանը: Սրբազան հայրը, անդրադառնալով օրվա խորհրդին, ի մասնավորի՝ նշեց. «Հիշավի սպասված է այսօրը թե՛ սանի եւ թե՛ մանկավարժի համար: Սակայն այդ սպասումը ճեմարանում հոգեբանության մեջ այնքան չի առնչվում արժակրթիկ կամ հանգստի գաղափարի հետ, որքան, որ

կապվում է գիտության հաջորդ աստիճանը հաղթահարելու առաջադրանքի հետ: Այդ գիտակցության լույսի ներքո պետք է դիտել ուսումնական տարվա փակման հանդիսավոր արարողությունը, որն իր բնույթով հատուկ է միայն ճեմարանական միջավայրին, ըստ էության՝ տոնական: Գիտության աստիճանի հաղթահարումն այլ խոսքով՝

ճեմարանի զարգացմանը եւ գործունեության արդյունավորմանը:

Այսօրվա մեր կյանքի պայմաններում, զանազան ներքին ու արտաքին մարտահրավերներին դեմ հանդիման, մեր Սուրբ Եկեղեցին եւ ժողովուրդը կարիքն ունեն բարձր պատրաստվածություն եւ մեծագույն նվիրում ունեցող եկեղեցականների, ովքեր իրենց հոգեւոր ներուժով, իրենց հավատքի եւ կյանքի օրինակով պիտի շարունակեն առաջնորդել եւ հովվել մեր ժողովրդին: Ժամանակի բոլոր մարտահրավերներին եւ խնդիրներին մեր պատասխանը պետք է լինի նաեւ ազգի ու եկեղեցու պայծառության ու վերելքի մեծ տեսական ունեցող հոգեւորականների մոր սերնդի պատրաստությունը: Մեր Սուրբ Եկեղեցու, ազգի ու հայրենիքի պայծառության տեսիլքն է, որ պիտի առաջնորդի մեզ քրիստոսապատվեր առաքելության ճանապարհին: Որպես Ամենայն Հայոց Կաթողիկոս՝ ուրախությամբ եւ հպարտությամբ եմք արձանագրում, որ մեր եկեղեցականաց շարքերում բազում են այդպիսիք, ովքեր անտրտուն, նախաձեռնող ոգով եւ անսակարկ նվիրվածությամբ իրենց ծառայությունն են բերում մեր ժողովրդին՝ չճնկելով դժվարությունների առաջ, արձանագրելով մորամոր հաջողություններ իրենց ծառայության մեջ», - ասաց Վեհափառ Հայրապետը:

Նորին Սրբությունը ճեմարանականներին պատգամեց ամենայն նախաձեռնողությամբ շարունակել տերունավանդ սպասավորությունը մեր ժողովրդի կյանքում՝ ամուր պահելով ծառայանվիրումի կամքը, անասան՝ հավատքը, եւ անմնացորդ՝ սերը Սուրբ Եկեղեցու հանդեպ: «Թեեւ մեր ժամանակացույցի ծանրաբեռնվածության պատճառով հնարավոր չի լինում առավել հաճախ հանդիպել ձեզ հետ, սակայն դուք միշտ մեր աղոթքներում եք, մեր ուշադրության կենտրոնում: Ուսման մեջ արձանագրած ձեր հաջողություններն ուրախացնում են Հայրապետիս, թերացումները՝ մտախոգություն պատճառում եւ բերում անհրաժեշտությունը՝ դասախոսական կազմի հետ միասին ամեն ջանք գործադրելու մշտապես ձեր ուսման արգասավորման համար: Միրելիք սաներ, տեսնում եք, որ մեր Սուրբ Եկեղեցու դեմ ծառացած են արդի աշխարհի մարտահրավերները, աշխարհիկացման ընթացքները, մոր ժամանակներում հոգեւորի անտեսման միտումները, աղանդների ներթափանցումն ու աղանդավորականների քայքայիչ գործելակերպը: Այս ամենի առջեւ պիտի նախաձեռնախնդիր լինեք՝ հավատքով, գիտելյաց պաշարով զորանալու, որպեսզի Քրիստոսի առաքյալների պես շարունակեք Կենաց խոսքը քարոզել եւ Ավետարանի լույսը սփռել մեր ժողովրդի կյանքում», - հավելեց Հայոց Հովվապետը՝ մատնելով, որ ուշիմ եւ օրինակելի վարքով, գովելի նվիրումով արդյունավորեն իրենց ուսումը հոգեւոր կաճառում, որպեսզի կարողանան մորամոր հաղթանակներով հյուսել հայ ժողովրդի եւ Հայոց Եկեղեցու մորթյա փառքը:

Շարունակությունը՝ էջ 5

Մայր Աթոռ Ս. Էջմիածնում մեկնարկեց ՀԵՀԵՄ



Հովիսի 4-ին և. Ս. Օ. Տ. Տ. Գարեգին Բ Օձա-
րագոյն Պատրիարք եւ Ամենայն Հայոց Կաթո-
ղիկոսի օրինուկայան Մայր Աթոռ Ս. Էջմիած-
նու մէնթարկեց «Դեպի հայրենիք, դէպի
Սուրբ Էջմիածին» համահայկական երիտա-
սարդական հավաքը՝ կազմակերպված Հայ
Եկեղեցու համաշխարհային երիտասարդաց
միավորման (ՀԵՄՄ) կողմից:

Հուլիսի 4-ից 8-ը Շաղկապորում անցկացված երիտասարդական հավաքին մասնակցեց ավելի քան քսան երկիր ներկայացնող շուրջ 400 եկեղեցասեր երիտասարդ:

Հավաքն սկսվեց ուխտագնացությամբ դեպի Մայր Աթոռ Ս. Էջմիածին, ուր երիտասարդները համդիպում ունեցան Գարեգին Բ Ամենայն Հայոց Կաթողիկոսի հետ: Նորին Սրբաբարձուն դիմավորեցին Հայրապետական մարզերգով:

Ուխտասավորները հոգեւոր դասի առաջնորդութեամբ արդեօցին, որից հետո վեհափառ Յայրապետն արդօք բարձրադրեց առ Աստված ուխտավոր հայորդիների և շշխարհասփյուռ հայության բարօրութեան, հայրենիքի և Յայոց Եկեղեցւոյ պայծառութեան և անասամութեան համար:

Հայրապետի օրհնությանը զորանալու եւ վերադառնալու իրենց բնակավայրեր:

Ապա ներկաներին իր պատգամը բերեց Նորին Սրբություն Գաբրելին Բ Կաթողիկոսը՝ փառք եւ գոհույուն բարձրացնելով առ Աստված, որ արժանացրել է երիտասարդության այս շնորհներին՝ հոգեւոր առաջնորդների հետ ուխտի գալու եւ մեկտեղվելու Սուրբ Էջմիածնում, Միաճնաէ տաճարում հայցելու Երկնավորի օրհնությունները Հայոց աշխարհի եւ աշխարհասփյուռ մեր ժողովրդի համար:

Նորին Սրբությունը գոհունակությամբ ընդգծեց, որ երիտասարդության տարվա առիթով, չայաստանի առաջին ճանապարհտության եւ մայիսյան հերոսամարտերի 100-ամյակների խորհրդի լույսի ներքո աշխարհասփյուռ տարբեր համայնքներում եւ թեմերում կազմակերպված զանազան հավաքներով, միջոցառմաներով կարելի է հանդիպումներով ու միջոցառումներով անդրադարձ ե կատարվել այն առաքելությանը, որին կոչված է հայ երիտասարդը ազգային-եկեղեցական կյանքում, ինչպես նաեւ ազգային կյանքը հուզող խնդիրներին, եկեղեցու առջեւ ծառացած մարտահրավերներին:

տախրապներեով ու խնդիրներով, որոնց լուծմանը կոչված ենք մենք՝ մեր ժողովրդի յուրաքանչյուր զավակի եւ մեր եկեղեցու հոգեւոր սպասավորների հետ: Հայրենիքն է մահե մեր լուսանկարի ապագան: Մեր հույսերը սերտորեն կապված են հայրենիքի հետ, եւ նրա ապագայի կերտման գործում յուրաքանչյուր անձ, յուրաքանչյուր հայորդի ունեն իրենց սրբազան ու նվիրական պարտականությունը...»:

Վեհափառ Հայրապետը հաստատեց, որ հավաքի օրերին երիտասարդները պիտի շրջեն հայրենիքում, աղոթեն սրբազան տաճարներում ու վանքերում, այցեն մկրիական եւ սրբազան վայրեր՝ Ծիծեռնակաբերդ, Օշական եւ Սարգսյանպատ, իրենց հայացքն ուղղեն դեպի Արցախ եւ Արարատ լեռը, շփվելով հայաստանաբնակ իրենց եղբայրների ու քույրերի հետ՝ պիտի հաղորդ դառնան երկրի առջեւ ծառացած մարտահրավերներին, մերձեցնեն հայրենիքի իրականությանը, որ մոր հնարավորություններ է բազում մեր ժողովրդի



առջև՝ կերտելու երազների իր հուսաբեր, լուսավոր երկիրը:

«...Այս ամենի մեջ, սիրելիներ, դուք պիտի անդրադառնաք ձեր կոչմանն ու առաքելությանը, ձեր դերակատարությանը: Երիտասարդներդ ներուժով եք ազգի, հզոր եւ շարժիչ ուժը, եւ դուք պետք է այդ վստահությանը հրաշազործեք մեր հայրենական, ազգային-եկեղեցական կյանքում: Դուք, որ համախմբված եք եկեղեցու կամարների ներքո, դուք, որ ձեր հոգիների բացել եք Աստծուն, դուք, որ ձեր սրտերի մեջ կրում եք Ավետարանի լույսը, Քրիստոսի պատկիրաններն ու պատգամները, ինչպես չափ առաջ ընթերցված Ավետարանում ունկնդիր եղաք, պիտի դառնաք աղը ազգային մեր վյանքի, համ պիտի տաք մեր կյանքին՝ ձեր արժանավոր գործերով, ձեր նվիրյալ հավատաբով, ձեր հոգուց ու շուրթերի առ Աստված բարձրացող մշտադադմից աղոթքներով: Ավետարանի խոսքի համաձայն՝ դուք պիտի լինեք լույսը կյանքի՝ ձեր ներուժով ու հավատքի գործողությամբ», - ասաց Գարեգին Բ Ամենայն Յայոց Կաթողիկոսը՝ հայցնելով, որ Տերն Իր շնորհները հեղի երիտասարդների եւ աշխարհասփյուռ հայ ժողովրդի կյանքից ներս, որպեսզի յուրաքանչյուրն ապրի ազգի, հայրենիքի եւ Սուրբ եկեղեցու նաջեւ պատրքի բարձր գիտակցությամբ:

Այս առիթով Նորին Սրբությունն իր գնահատանքը փոխանցեց ՀԵԾՄ հոգեւոր պատասխանատու Հովանե արքեպիսկոպոսին, ով կառուցյի հաստատման առաջին իսկ օրվանից սիրով, համձնառությամբ էլ նախանձախնդրությամբ կատարեց իր պարտականությունները՝ պարբերաբար եկեղեցասեր երկրորդականների համախմբումներ կազմակերպելով ինչպես հայաստանյան, այնպես

Եւ սպիտուքյան թեմերուն: Հայոց Հովվապետը նաեւ իր օրհնությունը բերեց թեմակալ բոլոր առաջնորդներին, ովքեր քաջալերուն, խրախուսուն եւ հովանավորուն են եկեղեցեացեւ երիտասարդաց միությունների աշխատանքը:

Կերզում Ամենայն Հայոց Կաթողիկոսը մաղթեց, որ Աստված զորացնի հայոց երկուսսարդությունը՝ իր առաքելությունը փառքով կատարելու եւ արժանի լինելու քաջ ու մեծագործ մեր հայրերի սրբազան գործին:

Վեհափառ Հայրապետի օրհնության խոսքից հետո երիտասարդները երգեցին «Էջ Միածինն ի Զօրէ» շարականը:

Մայր Աթոռում երիտասարդները հոգևոր հովիվների եւ ՀԵՅԵՄ կենտրոնական գրասենյակի աշխատակիցների ուղեկցությամբ այցելեցին Մայր տաճար, ծանոթացան թանգարաններում պահվող սրբություններին եւ պատմական եկեղեցական-ազգային արժեքներին:

**Ամենայն Հայոց Կաթողիկոսը
ներկա գտնվեց համահայկական
երիտասարդական հավաքի
բացմանը**

Հովսիս 5-ի երեկոյան Ամենայն Հայոց Կաթողիկոսը Ծաղկաձորում մերկա գտնվեց Հայ եկեղեցու համաշխարհային երիտասարդաց միավորման (ՀԵՅԵԱ) «Դեպի հայրենիք, դեպի Սուրբ Էջմիածին» համահայկական երիտասարդական հավաքի բացմանը:

Արարողության ընթացքում Նորին Սրբությունը հայրապետական իր պատգամն ուղղեց Հայաստանի եւ Սփյուռքի տարբեր թեմերից եկեղեցականների առաջնորդությամբ ժամանակե երիտասարդներին:

Ուրախություն հայտնելով եկեղեցասեր երիտասարդների հավաքի առիթով՝ Ամենայն Հայոց Կաթողիկոսը մասնավորապես ասաց.

«Մեզ համար խորին գոհունակություն էր այսօր՝ առավոտյան, ողջունելու ձեզ հայոց հոգեպետ կենտրոնում և՛ Մեր օրհնությունները վերստին բերելու ամենքիդ: «Նշայի հայրենիք, դեպի Մայր Աթոռ Ս. Էջմիածին» խորագիրը կրող այս ուխտագնացության բոլոր մասնակիցներիդ համախմբումը Հայաստանում, աղոթքների մեկտեղումը և՛ մեր մկրիական սրբավայրեր այցելությունները պիտի լինեն ձեզ համար հոգու նորոգության, երկնային օրհնությունների առատության աստվածապարզե՛ շնորհ: Դուք, հայրենի երկրում համախմբվելով, վկայում եք ձեր միասնությունը, հավատքով, ձեր հայրենասիրությունը, ձեր ազգամկեր ու եկեղեցասեր ոգին, որ երիտասարդներիդ առաջնորդում է ձեռքբերումների ու հաջողությունների 100-ամյա հերոսական պատմություն ունեցող Սարդարապատից,

Քերագույն հոգեւոր խորհրդի ժողով Մայր Աթոռ Ս. Էջմիածնում

Հուլիսի 10-ին, նախագահությամբ Ն. Ս. Օ. Տ. Տ. Գարեգին Բ Ծայրագույն Պատրիարք եւ Ամենայն Հայոց Կաթողիկոսի, Մայր Աթոռ Ս. Էջմիածնում տեղի ունեցավ Գերագույն հոգեւոր խորհրդի ժողով:

Անդրադարձ կատարվեց Մայր Աթոռ Ս. Էջմիածնի դեմ վերջին շաբաթներին իրականացվող հակակամոնոսկան գործողություններին, այդ թվում եւ դիվանատան շենք ներխուժելու եւ Մայր Աթոռի աշխատանքը խոչընդոտելու փաստերին: Զինարկելով ստեղծված կացությունը՝ ԳՅԽ անդամներն անընդունելի եւ դատապարտելի նկատեցին հայտնի մախաձեռնության որդեգրած քայլերը, որոնք խաթարում են ներկելեղեցական ամբողջը ու գայթակղություն դառնում հավատացելոց համար:

Տեղեկացվեց, որ խնդրի առնչությամբ իրենց անհնազատության եւ դատապարտության խոսքն են հնչեցրել բազում հավատացյալներ ինչպես Հայաստանից, այնպես էլ Սփյուռքից, եպիսկոպոսաց դասը եւ բազմաթիվ հոգևորականներ:




մաթիվ եկեղեցականներ: Մայր Աթոռ Սուրբ Էջմիածնի միաբանները 6 հուլիսի, 2018 թվա-
կիր խնդրագրով դիմել են Ամենայն Հայոց Կա-
թողիկոսին՝ Կորյուն արեղային պատասխա-
նատվության ենթարկելու խիստ միջոցների
ձեռնարկման վերաբերյալ: Իսկ Մայր Աթոռի
կարգապահական համեմատաբար՝ հուլիսի 6-ի
նիստում միաձայն որոշում է կայացվել՝ առա-

ջարկել Նորին Սրբությանը կարգալույծ հռչակել Կորյուն արեղա Առաքելյանին:

Այսուհանդերձ, ելնելով եկեղեցու կողմից սերը եւ ներողամտությունը քրիստոնեական մոտեցումի եւ մի միջոց արտահայտելու առաքելությունից՝ Գերագույն հոգեւոր խորհուրդը, անսպլոյ Գարեգին Բ Ամենայն շայոց Կաթողիկոսի հորդորով, որոշեց մեկշաբաթյա

վերջնաժամկետ սահմանել, որպեսզի անդարդարծումի եւս մեկ առիթ ընծայվի մախաձեռնության անդամներին՝ դարարքեցնելու հակականոնական իրենց գործողությունները եւ զղջման ու ապշխարություն ճմանապարհով վերադառնալու Սուրբ Էջմիածնի խմանակալ հովանու ներքո: Կորյուն աբեղայի համար որոշվեց անդարդարծումից հետո սահմանել ապաշխարության շրջան՝ վանքերից մեկում: Ժողովին Դայ Եկեղեցու համաշխարհային երիտասարդաց միավորման հոգեւոր պատասխանատու Դովնան արք. Տերտերյանը գեկոյց ներկայացրեց «Ղեպի հայրենիք, դեպի Մայր Աթոռ Սուրբ Էջմիածին» համահայկական երիտասարդական ուխտագնացության արդյունքների վերաբերյալ: ԳԴԽ անդամները գնահատանք հայտնեցին կազմակերպիչ հանձնախմբին՝ հավաքի բարեհաջող անցկացման համար: Կարտորվեց մաեւ ԴՅԵԽ կենտրոնական գրասենյակի եւ թմնդի երիտասարդական կառույցների հետեւողական աշխատանքը երիտասարդության հետ:

համահայկական երիտասարդական հավաքը



մայիսյան ազատամարտերից մինչև օրս հայ երիտասարդի ամենացորդ նվիրումով է նաեւ, որ մեր ազգը ձեռքբերումներ է կերտել, ազգային գիտակցությունն ու ոգին բարձրացրել։

Երիտասարդությունն ամուր է պահել հարազատ մեր բնօրրանը, պաշտպանել էլ այսօր էլ պաշտպանում է Մայր հայրենիքը՝ Հայաստանն ու Արցախը, ուր դարեր ի վեր, ավետարանական խոսքին համահունչ, մեր նախնիներն ամբարել են բյուրավոր հոգեւոր գանձեր՝ իրենց սրտերը նորոգելով հավանքով ու սիրո գործերով։ Դուք եք, սիրելիներ, մեր ազգի ու եկեղեցու ապագան, այլև՝ մերկայի կերտողները, ձեր ջանքերով հայրենական եւ հոգեւոր մեր կյանքում հաճախ ամհմարիքը դառնում է հնարավոր, եւ արձանագրվում են նորանոր իրագործումներ ու հաղթանակներ ազգային ու եկեղեցական մեր անդաստանում։

Իսկայես, հայ լինելն առաքելություն է։ Այդ առաքելությունը թե՛ այստեղ՝ հայրենիքում, եւ թե՛ սփյուռքում ենթադրում է հոգեւոր ու ազգային արժեհամակարգի պահպանություն ու զորացում։ Չանազան համայնքների եկեղեցասիրաց եւ այլ կառույցներին անդամակցելով՝ դուք գովելի նպաստ եք բերելու երիտասարդության շրջանակներում մեր հավատքի, մշակույթի ու լեզվի պահպանությունը կարեւորելու, ազգային կյանքում ձեր դերակատարությունը հստակեցնելու եւ գովարժան հանձնառություններ ստանձնելու համար։ Այդ առաքելությունը չի կարող ամբողջական լինել հայրենիքից կտրված ու հայրենական կյանքին անհաղորդ լինելով։ Այստեղ են մեր նվիրական սրբությունները, հիշատակները, մեր ժողովրդի հավատավոր հոգու վկայությունները։ Հայրենիքում է մեր բարեկիսվող մերկան՝ լուսավոր նոր զաւիթի վճռականությամբ ու տեսլականով։ Այսօր, երբ Հայաստանի առջեւ բացված են նոր հեռանկարներ, դուք նորովի եք առնչվելու հայրենական կյանքին՝ անդամալով մեր հարազատ երկրին ու պետությանը ձեր ներուժը բերելու կամքի մեջ։ Հայրենիքն է մեր մեծագույն գանձը, եւ այստեղ պիտի լինեն նաեւ ձեր սրտերը՝ սերը, նվիրումն ու նախանձախնդրությունը առ հայրենին, ըստ ավետարանական խոսքի՝ «Ուր ձեր գանձերն են, այնտեղ եւ ձեր սրտերը կլինեն»։

Գարեգին Բ Վեհափառ Հայրապետը նաեւ անդրադարձավ հայ հասարակության առջեւ ծառացած զանազան մարտահրավերներին։ Այս կապակցությամբ Նորին Սրբությունը նշեց. «Սիրելիներ, դարեր ի վեր, հայոց մեծ դարձից մինչև գրեթե գյուտ ու մինչև Սարդարապատ, Արցախյան հերոսամարտ ու մեր օրեր, հայը չի պատկերացրել իր կյանքն ու գոյությունն առանց քրիստոնեական իր հավատքի, առանց ազգային իր ինքնության։ Պատմության տարբեր ժամանակահատվածներում

մարտահրավերներ են առաջ եկել՝ ուղղված թե՛ մեր հավատքի եւ թե՛ ազգային արժեհամակարգի դեմ։ Սուրբ Պողոս առաքյալն ասում է. «Բայց հավատարիմ է Աստված, որ ձեզ ավելի փորձության մեջ չի գցելու, քան կարող եք տանել. այլ՝ փորձության հետ փրկության ելք էլ է ցույց տալու, որպեսզի կարողանաք համբերել» (Վ Կորնթ. Ժ 13)։ Այսօր էլ բազում են խնդիրները, որ ծառացած են մեր ազգի առջեւ Հայաստանում եւ Սփյուռքում։ Սիրելիներ, միասնական համայնքող ոգին, որ առկա է ձեր մեջ, պիտի դառնա թխմոր համազգային մեր կյանքի զարթոնքի։ Եւ մարիտ քրիստոնյան գիտի, որ իր յուրաքանչյուր օրը պարզել է իր Արարչից, եւ որ այդ պարզելն առավել պայծառագարդվում է առ Աստված հավատքից ճառագող սիրով, հավատավոր գործերով։

Մեր մաղթանքն ու հորդորն է ձեզ, որպեսզի ձեր բնակավայրերում, ընկերային ձեր շրջապատում եւ ձեր ընտանիքներում մշտապես լինեք Աստծո պատգամաբերներ, Քրիստոսի սիրո երաշխավորներ, մեր Սուրբ Եկեղեցու եւ հայրենիքի հարազատ զավակներ, որպեսզի ձեր բարի հավատքից բխող հայրենամեկեր ու ազգաշեն գործերով, յուրաքանչյուր ձեր կարողությունների չափով ներդրում բերեք Հայաստանում եւ Սփյուռքում հայ կյանքի բարօրությանն ու բարգավաճմանը, նոր ձեռքերումների ու հաջողությունների կերտմանը»։

Հայոց Հայրապետը մաղթեց, որ Տիրոջ կողմից երիտասարդաց հոգիներում ցանկանան սերմերն առատապես պտղաբերեն ազնիվ, նվիրյալ գործերով։

Վերջում Նորին Սրբությունը պատասխանեց հավաքի մասնակից երիտասարդների հարցերին, որոնք վերաբերում էին Հայ եկեղեցու առջեւ ծառացած մարտահրավերներին եւ դրանց հաղթահարմանն ուղղված ջանքերին, եկեղեցու քարոզչական եւ հովվական առաքելությանը եւ դրանում երիտասարդության դերակատարությանը։ Ի պատասխան երիտասարդների հարցումների՝ Գարեգին Բ Հայրապետն անդրադարձավ նաեւ իր հոգեւոր փորձառությանը եւ կյանքի ուղուն։

Համահայկական երիտասարդական հավաքն ամփոփվեց Ուխտի Պատարագով

Հուլիսի 8-ին՝ մեր Տեր եւ Փրկիչ Հիսուս Քրիստոսի Մ. Պայծառակերպության տոնին, Երեսույթի Ս. Գրիգոր Լուսավորիչ մայր եկեղեցում, հանդիսապետությամբ Ամենայն Հայոց Կաթողիկոսի, մատուցվեց Պատարագ, որով ամփոփվեց համահայկական երիտասարդական հնգօրյա հավաքը։ Պատարագիչն էր ՀԵՅԵՄ-ի հոգեւոր պատասխանատու, ԱՄՆ

հայոց արեւմտյան թեմի առաջնորդ Հովնան արք. Տերտրյանը։

Սրբազան արարողությանը ներկա հավաքի շուրջ չորս հարյուր մասնակիցները եւ այս առիթով տարբեր թեմերից ժամանած երիտասարդները զանգակատան առջեւ ողջունեցին Վեհափառ Հայրապետին, ով զանգերի ավետաբեր դրոշմների ներքո եկեղեցականների թափուրով առաջնորդվեց տաճար, ուր նաեւ իր խոնարհումը բերեց զավթում ամփոփված մեր հավատի հայր սուրբ Գրիգոր Լուսավորիչ Հայրապետի մասունքներին։

Ուխտի Պատարագի ընթացքում պատարագիչ Հովնան սրբազանն անդրադարձ կատարեց տոնի խորհրդին եւ այդ խորհրդով յուրաքանչյուր քրիստոնյայի կյանքի պայծառակերպման անհրաժեշտությանը։ «Մեր Թաքոր լեռը Հայաստանն է, որովհետեւ այս սուրբ հողի վրա իջավ Միածին Որդին։ Ամեն անգամ, երբ ոտք ենք դնում Մայր Հայաստան, Ս. Էջմիածին, նորոգում ենք մեր կյանքն Աստծուն ընծայելու ուխտը՝ մեր հոգու մեջ կրելու պատկերը Սուրբ Էջմիածնի, հավատքի տեսիլքը մեր նախնյաց, մեր ներկան իմաստավորելու հոգեւոր ու բարոյական արժեքներով եւ զաւիթ սերունդների կյանքը լուսավորելու եկեղեցանկեր ու ազգայնասեր զաղափարախոսությամբ։ Դրա համար է, որ երկրորդում ենք առաքյալի խոսքը՝ ասելով՝ Տեր, բարկո՛ւք է, որ այսօր այստեղ ենք», - մասնավորապես նշեց սրբազանը։

Հովնան արքեպիսկոպոսը նաեւ խոսեց Ամենայն Հայոց Կաթողիկոսի օրհնությամբ այս օրերին Հայաստանում անցկացվող համահայ-

կենդանի հավատքը բարի գործերով փաստող ճշմարիտ քրիստոնյաներ։

Ուխտի ենք եկել Մայր Հայաստան, Սուրբ Էջմիածին։ Հավատքի ճշմարիտ գիտակցությամբ ուխտում ենք հավատարիմ մնալ մեր Սուրբ Եկեղեցու ուղղափառ դավանությանը, զորավիճ լինել հայոց պետականության հզորացմանը, նախանձախնդիր՝ ազգային ինքնության եւ մեր նախնյաց կտակած մնայուն արժեքներին։

Ուխտի ենք եկել Մայր Հայաստան, Սուրբ Էջմիածին՝ աղոթքով պայծառակերպված, երիտասարդական ավյունով առեցնում, բարձր գիտակցությամբ, միասնականության ոգով՝ մեկ անգամ եւս հավաստելու մեր անսահման սերը դեպի սրբազան Երկիրը Հայրենի եւ Սուրբ Եկեղեցին։

Ուխտի ենք եկել Մայր Հայաստան, Սուրբ Էջմիածին։ Սեր սերն ու հավատարմությունն են հայտնում Վեհափառ Հայրապետին եւ խոստանում առավել նվիրումով մեր նախանձախնդիր ծառայությունը բերել ի խնդիր եկեղեցու եւ հայրենիքի պայծառության եւ շինության։

Ուխտի ենք եկել Մայր Հայաստան, Սուրբ Էջմիածին։ Սուրբ Էջմիածինը ծննդավայրն է մեր սրտի եւ հոգու, հանդիպման վայրը՝ Աստծո եւ մարդկացի։ Որպես հարազատ զավակներն այս Սուրբ Եկեղեցու՝ աղոթում ենք, որ Աստված անսասան, ծաղկուն եւ բարգավաճ պահի սրբություն սրբոց Մայր Աթոռ Սուրբ Էջմիածինը՝ զորացնելով մեզ հավատքի, սիրո եւ եղբայրության մեջ, որպեսզի դառնանք



կական երիտասարդական հավաքի ընթացքի մասին։ Սրբազանն ընդգծեց, որ անցնող օրերին երիտասարդներն իրենց զույգներով, խորհրդածությունների եւ ընդհանրական աղոթքի շնորհիվ լցվեցին հայրենիքի եւ Ս. Էջմիածնի խորհրդով եւ հիրավի պայծառակերպված վերադառնալու են իրենց երկրներ՝ իրենց հետ տանելով Նորին Սրբության հայրական սերն ու օրհնությունը եւ ամենակարեւորը՝ հայրենիքով, Ս. Էջմիածնով ապրելու խորհուրդը։

Քարոզի ավարտին երիտասարդներն ընթերցեցին իրենց ուխտագիրը.

«Ուխտի ենք եկել Մայր Հայաստան, Ս. Էջմիածին։ Եվ այժմ, ուխտագնացությամբ մասնակիցներս, Ս. Էջմիածնի մշտանորոգ օրհնության ներքո եւ ներկայությամբ Մայր Աթոռի ազգընտիր զահակալի, հոգեւոր դասի եւ համայն հավատացելոց՝ ուխտում ենք լինել Աստծո պատվիրաններին հետեւող եւ մեր

հայրենասիրության եւ նվիրումի անսպառ աղբյուր։ Ամեն»։

Սուրբ Պատարագի ավարտին, նախագահությամբ Գարեգին Բ Ամենայն Հայոց Կաթողիկոսի, կատարվեց երիտասարդների օրհնության կարգ, որից հետո Գարեգին Բ Վեհափառ Հայրապետն իր պատգամն ուղղեց երիտասարդներին՝ հորդորելով, որ իրենց շուրթերից մշտապես հնչի պայծառակերպության սրբազան խորհրդով լուսավորված աղոթքը։ Նորին Սրբությունը կոչ արեց հայորդիներին՝ տերունապատվեր շնորհների ներքո միշտ լինել Աստծո սեփական ժողովուրդ եւ աստվածահաճո գործերով պայծառացնել, շենացնել ու հզոր դարձնել հայրենիքը, լուսավոր՝ Հայոց Սուրբ Եկեղեցին։

Պատարագի ավարտին Երեսույթի Ս. Գրիգոր Լուսավորիչ մայր եկեղեցու բակում երիտասարդները մասնակցեցին Վարդավառի ժողովրդական տոնակատարություններին։

Գեւորգյան հոգեւոր ճեմարանի 2017-2018 ուսումնական տարվա փակումը

Սկիզբը՝ էջ 3

Ամենայն Հայոց Կաթողիկոսը նաեւ հայրապետական իր օրհնությունն ու զնահատանքը հայտնեց Մայր Աթոռի հոգեւոր-կրթական հաստատությունների վերատեսուչ Գեւորգ Եպս Սարոյանին, Գեւորգյան հոգեւոր ճեմարանի տեսուչ Գարեգին վրդ. Համբարձումյանին, տեսչական կազմին եւ բարեջան դասախոսներին՝ իրենց նվիրյալ գործունեության համար։

Նորին Սրբությունն իր զնահատանքը հայտնեց նաեւ այն հոգեւորականներին, ովքեր իրենց ծառայության հետ մեկտեղ ազնիվ նպաստ են բերում ճեմարանականների կրթությանն ու ճեմարանի գործունեության արգասավորմանը՝ պատգամելով մեծ ուշադրությամբ, հույժ կարեւորումով շարունակել դասախոսական իրենց ծառայությամբ կրթել ու դաս-

տիարակել իրապես նվիրյալ եւ լուսամիտ եկեղեցականների, Տիրոջ հնձի համար պատրաստել սահակմետրոպայան ոգով նոր մշակներին։

Նորին Վեհափառությունն աղոթեց, որ Բարձրյալն Աստված անսասան պահի ու պահպանի մեր հայրենիքը եւ Առաքելական Սուրբ Եկեղեցին, զորավոր պահի եղբայրսիրության եւ նվիրումի ոգին Գեւորգյան հոգեւոր ճեմարանում, որպեսզի Հայ եկեղեցու կրթական դարբնոցից դուրս եկած շրջանավարտները ժրաջան ծառայությամբ հոգեւոր նոր շունչ հաղորդեն մեր ժողովրդի կյանքին։

Հանդիսությունը եզրափակվեց հայրապետական Պահպանիչ աղոթքով։

Անցած տարում ճեմարանն ունեցել է 106 ուսանող, հաստատությունում դասավանդել է 25 հոգեւորական եւ 41 աշխարհական դասախոս։ Այս տարի ճեմարանում ավարտեց 27 սարկավագ։

Նոր նշանակումներ

Ն. Ս. Օ. Տ. Տ. Գարեգին Բ Ծայրագույն Պատրիարք եւ Ամենայն Հայոց Կաթողիկոսի հայրապետական տնօրինությամբ կատարվել են Մայր Աթոռ Ս. Էջմիածնի միաբանների նոր նշանակումներ։

Ավարտած նկատելով Իսահակ վրդ. Պողոսյանի՝ Բուլղարիայի հայոց թեմում առաջնորդի պաշտոնավարման շրջանը՝ հայր սուրբը ծառայության է կոչվել Ուրախմայի հայոց թեմում՝ թեմակալ առաջնորդի իշխանության ներքո։

Չավեն վրդ. Յազնյանը, ազատվելով Եգիպտոսի հայոց թեմում ստանձնած պարտականություններից, հոգեւոր սպասավորությունը կշարունակի Երեսույթի Ս. Գրիգոր Լուսավորիչ մայր եկեղեցում՝ հոգեւոր տեսչի իշխանության ներքո։

Աղան արք. Երեմյանը, ազատվելով Վեհափառ Հայրապետի զավագանակրի պարտականություններից, մեկնել է ուսումը շարունակելու Իտալիայում։

Անանիա արք. Ծատուրյանը, ով ավարտել է ուսումնառությունն Ամերիկայի Միացյալ Նահանգներում, հայրապետական տնօրինությամբ նշանակվել է զավագանակիր։

Միգել քհն. Քեչիշյանը ծառայության է կոչվել Բուլղարիայի հայոց թեմում՝ թեմակալ առաջնորդի իշխանության ներքո։


Մայր Աթոռ Սուրբ Էջմիածնի տեղեկատվական համակարգ

ԻՇԽԱՆՈՒԹՅՈՒՆ, ԹԵ՛ ՓՈՐՁՈՒԹՅՈՒՆ...

«Որքան մեծ է տարածությունը հրամայողի եւ հպատակվողի միջեւ, այնքան առաջինի համար պակաս նշանակություն ունեն երկրորդի արյունն ու քրտինքը»:
Դենի Դիդրո

Հնագույն ժամանակներից մարդկությանը հուզել է մշտապես քննարկվել են պետությանը, իշխանությանն ու բռնությանը վերաբերող հիմնախնդիրները: Բազմաթիվ իմաստասերներ, քաղաքագետներ, գրողներ, հրապարակախոսներ անդրադարձել են այս հարցերին՝ տարբեր սահմանումներ կամ բնորոշումներ առաջադրելով: Այսպես՝ Պլատոնը (Ք. ա. 427-347 թթ.) իդեալական պետությունը հակադրում է իրականում գոյություն ունեցող պետություններին: Նշանավոր փիլիսոփան վերջիններս դասակարգում է ըստ կառավարման չորս ձեւի՝ թիմոկրատիա (փառասերների իշխանություն), օլիգարխիա (փողքամասնություն կազմող հարուստների իշխանություն), դեմոկրատիա (ծեականորեն ազատ քաղաքացիների իշխանություն) եւ բռնապետություն, որի առաջնորդին «աճեցնում» է ինքը՝ ժողովուրդը: Պլատոնի քաղաքագիտական բնույթի աշխատություններում կարեւորվում է երկրի ապագայի կերտմանը մասնակից լինելը: «Քաղաքականությանը մասնակցելու մերժման պատիժն այն է, որ, ի վերջո, ձեզ կդեպիկարի ձեր ենթական»: Իշխանություն-ժողովուրդ հարաբերություններին անդրադարձներն անհաշվելի են: Օրինակ՝ անգլիացի փիլիսոփա, պատմաբան, քաղաքական գործիչ Ֆրենսիս Բեկոնը (1561-1626 թթ.) նկատում է. «Իշխելով ուրիշներին՝ մարդը կորցնում է սեփական ազատությունը»: Ռուս գրական բանաստեղծ, փիլիսոփա, հրապարակախոս Դմիտրի Պիսարեվը (1840-1868 թթ.) անարժան իշխանավորների մասին գրում է. «Թույլ մարդիկ, որոնք վերելում են հայտնվում, հեշտությամբ չարագործներ են դառնում»: Որպես այս մտքի շարունակություն՝ մեջբերենք անգլիացի գրող, գիտնական, հասարակական գործիչ եւ գրական բանաստեղծ Չարլզ Սնոուի (1905-1980 թթ.) տեսակետը՝ «Իրենց ձեռքում իշխանություն պահողները մինչեւ վերջին րոպեն չեն հավատում, որ կարող են կորցնել այն»: Չլինելով քաղաքագետ՝ չներխուժենք մեզ չվերաբերող ոլորտ, այլ փորձենք ներկայացնել իշխանության մասին աստվածաշնչյան ընկալումներն ու աստվածաբանական մեկնաբանությունները:

Բանական գոյությունը ենթադրում է հաղորդակցություն, հետեւաբար նաեւ՝ փոխազդելու, տնօրինելու, իշխելու եւ կառավարելու կարողություն: Այս իմաստով ցանկացած գոյի կամ գոյության, ուստի է



իշխանության սկզբնաղբյուրը, անշուշտ, բացարձակ Գոյն է: Արարված լինելով Արարչի նմանությամբ ու պատկերով՝ մարդը, փաստորեն, Նրանից ստանում է որոշակի իշխանություն, իշխելու հնարավորություն: Այս է հաստատում նաեւ Ծննդոց գիրքը. «Աճեցեք, բազմացեք, լցրեք երկիրը, տիրեցեք դրան, իշխեցեք...» (Ա 28):

Հիշենք նաեւ, թե ինչպես էր սատանան փորձում անապատում գայթակղել Քրիստոսին՝ Նրան խոստանալով աշխարհի բոլոր թագավորություններն ու փառքը (Ղուկ. Դ 5-8): Հիսուս պատասխանում է նրան. «Գրված է. «Քո Տեր Աստծուն պիտի երկրպագես եւ Նրան միայն պիտի պաշտես» (Ղուկ. Դ 8): Հետագայում եւս Աստծո Որդին բազմիցս մերժում է աշխարհիկ տիրակալ կամ թագավոր դառնալու առաջարկները, ինչպես օրինակ՝ հացի բազմացումից հետո՝ «Երբ Հիսուս իմացավ, որ գալու են իրեն բռնել տանելու, որպեսզի իրեն թագավոր անեն, դարձյալ միայնակ դեպի լեռը գնաց» (Հովհ. Զ 15), Երուսաղեմ մուտքի ժամանակ, երբ մարդիկ Նրան ընդունում ու փառաբանում են որպես արքայի (Հովհ. ԺԲ 19):

Միեւնույն ժամանակ սուրբգրային բազմաթիվ հատվածների վերլուծությունից հստակ երևում է, որ իշխանությունն անհրաժեշտ է մարդկային հասարակության կենսագործունեության ու ղեկավարման համար:

Աստվածաշնչում «իշխանություն» բառով նկատի են առնվում մի խումբ մարդիկ կամ հաստատություններ, որոնք իրականացնում են վարչական գործունեություն, վերահսկողություն կամ ղեկավարում (հմմտ. Ղուկ. ԺԲ 11, Հռոմ. ԺԳ 1-3, Ա Տիմ. Բ 2, Տիտ. Գ 1):

Ըստ Սուրբ Գրքի՝ ղեկավարներն ու իշխանությունները աշխարհի Տիրոջ կողմից են հաստատվում. «...որովհետեւ Նրանք է իմաստությունը, համճարը եւ զորությունը: Նա է, որ փոփոխում է ժամերն ու ժամա-

նակները: Թագավորներ է կարգում եւ փոփոխում» (Դան. Բ 20-21): Այս միտքը հաստատող աստվածաշնչյան տեղիները բազմաթիվ են (հմմտ. Սաղմ. ԵԶ 3, ՀՅ 12, Ես 9 եւ այլն):


Պողոս առաքյալի խոսքը՝ «Ամեն մարդ, որ իշխանության տակ է, թող հպատակի նրան. քանզի չկա իշխանություն, որ Աստծուց չլինի. եւ եղած իշխանությունները Աստծուց են կարգված...» (Հռոմ. ԺԳ 1), հաճախ է թյուրըմբռնվում եւ սխալ մեկնաբանվում, քանզի կտրվում, առանձնացվում է հետագա շարակարգից (կոմստեքստից): Այստեղ առաքյալի նպատակն ամենեւին էլ իշխանությունների աստվածային ծագումը շեշտադրելը եւ իշխանավորների գործողությունները արդարացնելը չէ, այլ՝ հասարակության կյանքում վերջիններիս դերակատարման, գործառնությունների ու պարտականությունների ընդգծումը. «... քանի որ իշխանավորները վախ չեն ազդում բարի գործերի համար, այլ՝ չար գործերի: Ուզում են չվախենալ իշխանությունից. բարին գործիք եւ նրանից գովասանք կստանաս, որովհետեւ նա Աստծու պաշտոնյա է քեզ՝ բարի գործերի համար»

եթե դու ցոփ ու շվայտ կյանք ես վարում, բարոյական արժեքներ, եթե անառակության մեջ ես թաթախված, ազնվություն, եթե ինքդ խաբեբա եւ մեղսագործ ես, արդարամտություն, եթե գող ու թալանչի ես...

Տիրոջ առաքյալի վերոնշյալ խոսքերը չպետք է ընկալել որպես անվերապահ հնազանդության կոչ. ինչպես կարող են մարդիկ ենթարկվել աշխարհիկ իշխանությանը, եթե վերջինիս բոլոր գործողություններն ու սահմանած օրենքները խիստ հակասում են բարձրագույն Օրենսդրի պատվիրաններին:

Խնդրահարույց այս հատվածին անդրադարձել է նաեւ Հովհան Ոսկեբերանը Հռոմեացիներին ուղղված թղթի իր մեկնության մեջ. Եկեղեցու նշանավոր հայրն իրավամբ նկատում է, որ առաքյալի խոսքն այստեղ ոչ թե առանձին տիրակալներին, կառավարիչներին կամ ղեկավարներին է վերաբերում, այլ ընդհանրական իմաստով իշխանությանը: Իշխանության առկայությունը, երբ ունանք ղեկավարում կամ կառավարում են, իսկ մյուսները՝ ենթարկվում, պատահական կամ ինքնաբերական երեւույթ չէ, այլ բացարձակ հմաստության կամքով հաստատված իրողություն:


Հիշենք, թե ինչպես էր իր իշխանությամբ մեծամտանուն Պիղատոսը՝ Քրիստոսին ասելով. «Ինձ հետ չես խոսում, չգիտես, որ իշխանություն ունեմ քեզ խաչել հանելու...» (Հովհ. ԺԺ 10): Աստծո Որդին նրան պատասխանում է. «Դու ինձ վրա ոչ մի իշխանություն էլ չէիր ունենա, եթե քեզ ի վերուստ տրված չլիներ...» (Հովհ. ԺԺ 11): Եվ իրապես



(Հռոմ. ԺԳ 3-4): Այսինքն՝ պաշտոնյան՝ իշխանավորն ինքը, բարին պետք է գործի, Աստծո ճանապարհներով ընթանա, Նրա խոսքին հետեւի, պատվիրանները կատարի՝ կենդանի օրինակ ծառայելով իր ենթակաների համար: Չես կարող որեւէ մեկից պահանջել հնազանդություն, եթե ինքդ հնազանդ չես քո Տիրոջը, խոնարհություն,

էլ, որպես քրիստոնյա, պետք է ընդունենք, որ բոլոր արքաները, կայսրերը եւ տիրակալները, իսկ այսօր նաեւ երկրների մախազահներն ու ղեկավարները իշխելու, կառավարելու հնարավորություն են ստանում Աստծուց. մեք Հայրն է թույլ տալիս նրանց իշխել, առաջնորդել մյուսներին:

Շարունակությունը՝ էջ 8



ԺԱՆՍԱՆԵՄԸ ԵՎ ՆՐԱ ԱՎԱՆԴԷ

Միլոնաբազմազան արվեստի մեջ անգնահատելի ավանդ է ներդրել Հովհաննես Սենեքյանը, ում աշխարհը ճանաչում է ժամանակակից ժամանակների իր ուրույն նկարչական ձեռագիրը: Նրա կտավներից շատերը ցուցադրված են աշխարհի հայտնի թանգարաններում, ինչպես նաեւ անհատական հավաքածուներում:

Հովհաննես Սենեքյանը ծնվել է 1920 թ. Թուրքիայի Սելեվ քաղաքում, մետաքսագործի ընտանիքում: Հայրը կոտորածների շրջանում Սենեքյանների ընտանիքը գաղթում է Հունաստան: Ապագա նկարչի ընտանիքն ապրում էր ծայրահեղ աղքատության մեջ, ինչի պատճառով հայրը հիվանդանում եւ մահանում է: Այդ ժամանակ Հովհաննեսն իր վրա է վերցնում ընտանիքի օցդիական բեռը: Նա աշխատում է որպես արհեստավորի օգնական՝ ընտանիքի ապրուստը վաստակելու համար: Սենեքյանների ընտանիքի ծախսողուններն այսքանով չեն սահմանափակվում. կոտորվում է Հովհաննեսի ոտքը, եւ

նրա մայրը, որդու բուժումը կազմակերպելու նպատակով, ընտանիքը տեղափոխում է Ֆրանսիա: Սենեքյանները բնակություն են հաստատում Փարիզի Իսի լե Մուլիմո արվարձանում: Բարեբախտաբար Ֆրանսիացի բժիշկները կարողանում են բուժել տղայի ոտքը եւ կանխում անդամահատումը:

Դեռեւս մանկության տարիներից Հովհաննեսին հետապնդում էին անցյալի ծանր հիշողությունները: Նրան համակել էին միայնության ու հոգեկան ցավի զգացողությունները, եւ սա զգացվում է նրա նկարներում: Վերջիններս հագեցած են սառը գույներով ու երանգներով: «Իմ հասակակից երեխաները դաժան խաղեր էին խաղում եւ հաճախ ծեծում էին իրար, իսկ ես միշտ քաշվում էի մի անկյուն, նկարում էի կամ էլ գիրք կարդում: Մորս խոսքերով՝ ես խաղաղ երեխա եմ եղել: Նա ասում էր, որ ես երբեք չէի ծիծաղում ծննդավայրս լքելուց հետո: Ես հիշում եմ ծխի հոտը, հիշում եմ, թե ինչպես էին մարդիկ նետվում ջուրը, որպեսզի փրկվեն: Այնուհետեւ նրանք մավակներով հասնում էին իրենց

հարազատ վայրերը: Մենք հույների հետ միասին ճողոպրեցինք դեպի Հունաստանի Սալոնիկի քաղաքը: Ես հիշում եմ կանաչագույն ծովը եւ երկինքը, որը կարմիր երանգ էր ստացել: Մարդկանց ձեռքերը կախված էին մավակներից դուրս, իսկ շուրջըլորը արյուն էր ու հուր: Այս տեսարանները հոգեկան ցավ էին պատճառել ինձ, սակայն մարդիկ, առանց խոր մտածելու, ասում էին, որ ես պարզապես թախծոտ տղա եմ», - հաճախսիկ մեկ դրվագ ժամանակի հուշերից:

Հովհաննեսի տրամադրությունը որոշակիորեն փոխվեց, երբ նա տեղափոխվեց Ֆրանսիա: Նկարչի խոսքերով՝ շփումը Ֆրանսիացիների հետ եւ սերը դեպի գեղանկարչությունը վերափոխեցին իր կյանքը: Նա լիովին այլ մարդ դարձավ: Իր հուշերում ժամանակը գրում է հետեւյալը. «Ի տարբերություն այլ երեխաների, ովքեր կորցնում են իրենց հետաքրքրությունը նկարչության հանդեպ 11-12 տարեկանում, ես շարունակեցի ստեղծագործել:

Շարունակությունը՝ էջ 7

ՊԵՐՃ ԶԵՅԹՈՒՆՅԱՆ ՎԵՐՋԻՆ ԱՐԵՆԱԳԱՐԸ

Գրական բարձր արժեքները ծնվում են ժամանակի պահանջարկից, ժամանակի պարտադրանքով: Պերճ Զեյթունցյանի «Վերջին արենագարը» երկը մի գործ է, որ ծնվել է հայ ժողովրդի ազատաբաղձ ձգտումների հզոր պոռթկման՝ Արցախյան շարժման օրերին: «Զոհրապը հիմա նման էր մի մարդու, որ վերջին ուժերը հավաքած, մագլցում էր լեռը, գազաթը մոտ է, մոտ, ահա թե որքան մոտ է, բայց համարձակ նրա փեշից կոպտորեն բռնում են եւ զորում դեպի ստորոտը: Գոնե սիզիֆյան տանջանքի հեռանկար լիներ: Գոնե տանջանքի անհմաստությունը լիներ: Չէ, այդ էլ չկար: Այլևս չի մագլցի այդ լեռը: Ոչ ոք չի մագլցի...» (Պերճ Զեյթունցյան, Վերջին արենագարը, Եր., 1989): Դեռ այսպես է սկսվում վեպը, որտեղ պատկերվել է հայ «Նորավայի իշխան» հռչակված Գրիգոր Զոհրապի կյանքի՝ 1880-ականներից մինչև 1915 թ. ապրիլն ընկած ժամանակահատվածը:

Յեղիմակն իր երկն անվանել է վեպ, սակայն որոշ հատկանիշներով վեպերը տարբերվում են միմյանցից: Դեռ իր՝ Պ. Զեյթունցյանի վիպական կտավները՝ «Մեզանից հետո», «Կլոդ Ռոբերտ Իգերի», «Արշակ Երկրորդ», տարբեր են ոչ միայն թեմատիկայով, այլև ձևականորեն: Զեյթունցյանի յուրահատկություններով, ժանրային նկարագրով: «Վերջին արենագարը» ծավալուն երկում արձակագիրը մեկտեղ շաղել է եւ պատմականապես գրական վեպի, եւ վեպ-ժամանակագրության, եւ քաղաքական վեպի բաղադրիչ որակները՝ ստեղծելով ըստ էության բարդ, միանգամայն ինքնատիպ եւ գեղարվեստական առումով բարձրարժեք գործ: Սա արձակագրի մոր վերելքն էր, արդի հայ վիպասանության մնայուն երկերից մեկը:

Անշուշտ, Գր. Զոհրապի կյանքի ու գործունեության վիպականացումն առաջին հայացքից ենթադրում է պատմականապես գրական ժանրի նախապատվություն: Ու դա համեմատաբար հեշտ մարտիկ կլիներ: Սակայն Պ. Զեյթունցյանը գնացել է դժվարին ճանապարհով. նա ներդաշնակել է վեպի քաղաքական ու պատմականապես գրական ժանրաձեւերը: Ավելին՝ տեղ-տեղ էլ դիմել վեպ-ժամանակագրություն տեսակին եւ արդյունքում ստացել է վիպական ինքնատիպ մի որակ, որն ուղեմշային երեւոյթ է՝ հայ արդի արձակագրության զարգացման միտումների առումով:

Երբ բնութային ենք առնում «Վերջին արենագարը» վեպում Զոհրապի կերպարը, տեսնում ենք, որ հեղինակն իր ստեղծագործության

ծագործության գլխավոր հերոսին ներկայացնում է ոչ միայն ժամանակին հատուկ քաղաքական գործչի բնավորությամբ ու վարքագծով, այլև նրա կերպարի մեջ ներառում է մարդկային շատ հատկանիշներ եւ հոգեվիճակներ, որոնք էլ վեպն ավելի գեղեցիկ, հարուստ եւ ամբողջական են դարձնում: Թվենք դրանցից մի քանիսը եւ փորձենք ուսումնասիրել դրանք: Հատկանշական են, օրինակ, Զոհրապը որպես հայր եւ ամուսին, ազգային-քաղաքական գործիչ, գրող-հրապարակախոս եւ վերջապես՝ գաղափարական ընկեր: Վեպում, բնական է, արծարծված են հայերիս համար շատ ծանր ժամանակաշրջանի դեպքեր: Զոհրապը, լինելով բանիմաց, խելացի եւ քաղաքական գործուն հմտացած անհատ, հասկանում էր սպասվելիք աղետի ողբերգական հետևանքները: Գրողը դիպուկ է պատկերել Զոհրապի հոգեվիճակը: Բնորոշ է վեպի հետեւյալ դրվագը: Երբ 1914 թ. հունիսի 28-ին սպանում են Ֆրանց Ֆերդինանդին, եւ դա էլ պատրվակ է դառնում Առաջին համաշխարհային պատերազմի, Զոհրապը լավ հասկանում է, որ այս առիթը թուրքական իշխանությունները պիտի օգտագործեն իրենց մութ նպատակներն իրականացնելու համար: Նա այդ օրերին հաճախ էր ծանր աշխատանքից ու դառն մտորումներից հետո լիքաթափվելու միջոցներ փնտրում: Մի օր էլ նա, երբ այնտեղ հավաքված էին հայ մշակույթի ծանոթ գործիչներ, կոչ է անում փախչելով փրկվել, ապա դուրս է գալիս եւ արագ հեռանում: Գիմետան աշխատակիցը, ով լավ էր ճանաչում Զոհրապին, դուրս է գալիս նրա հետեւից եւ ծայր տալով հարցնում, թե ինչու ինքը չի հեռանում, Զոհրապը նրան պատասխանում է, որ իր տեղը Պոլսում է:

Այս դրվագում երևում է հերոսի սերն ու անհանգստությունը իր այն ընկերների նկատմամբ, որոնք կարող էին իր ժողովրդի համար դառնալ զոհե գաղափարական առաջնորդներ:

Կասկած չի կարող լինել, որ հայ հանրությունը ծանոթ է Զոհրապ գրողին: Նրա ստեղծագործությունները մեծ տեղ են գրավում հայ գրականության մեջ: Վեպում ներկայացվում է Զոհրապ գրողը եւ հրապարակախոսը, ով այդ ժամանակ ստեղծագործական ճգնաժամի մեջ էր: «Վերջին արենագարը» պատկերվում է, թե ինչպես է նա ժամերով նստում գրասեղանի առաջ եւ մի տող անգամ չի կարողանում գրել, սակայն հրապարակախոսական խոսքը երբեմն-երբեմն պոռթկում է, եւ շատ հզոր հոդվածներ են ստացվում. այդ պահերին

Զոհրապը գիտակցում է, որ իր վերջին ստեղծագործությունն է գրում:


Շատ ավելի խոր է Զոհրապ քաղաքական գործչի կերպարը, ով մերթ ուրախանում է հաջողություններից եւ մերթ հայտնվում ընկճախտային ծանր վիճակներում՝ թուրքական իշխանությունների աննկարագրելի դաժանություններից: Այս լարված իրադրությունները մեծապես ազդել էին նաեւ ընտանեկան հարաբերությունների վրա:

Զեյթունցյանը դիպուկ նկարագրել է այն լուռ ցավերը, որ ապրում էր մեծ արվեստագետը՝ հայ ժողովրդի համար կործանարար այդ օրերին: Վեպում նկարագրվում է, թե ինչպես է Զոհրապը գալիս տուն, անտարբեր անցնում մեծ սենյակով, նստում գրասեղանի առաջ եւ լուռ տառապում: Կինն ու տղան անգամ չէին համարձակվում մի ծայր հանել: Եվ մի օր էլ նրանք լուռ հեռանում են տնից: Թերեւս կարելի է մտածել, որ Զոհրապն իր ընտանիքին նվիրված չէր, բայց ամենեւին էլ այդպես չէ, քանի որ նա իր մեծ ընտանիքի՝ հայրենիքի ցավից հասել էր անհավասարակշռության, սակայն այդ վիճակով էլ նա ծովահայաց պատուհանից անդադար հետեւում էր հեռացող կնոջն ու տղային՝ մինչեւ նրանք կկորչեին ամբոխի մեջ:

Ինչպես տեսանք, Պ. Զեյթունցյանը վեպում կերպավորել է հզոր եւ միեւնոյն ժամանակ փխրուն մարդու: Հայ մշակույթի գրողների կյանքին նվիրված ստեղծագործություններում (Բակունց՝ Խաչատուր Աբովյան, Ջարգանդ Դարյան՝ Սայաթ-Նովա, Կարեն Սիմոնյան՝ Միքայել Նալբանդյան) հեղինակներն այս կամ այն չափով անդրադարձել են արտացոլող ժամանակաշրջանների քաղաքական իրադարձություններին:

Այս առումով, հատկապես, առանձնակի է Պ. Զեյթունցյանի մտահղացումը. Արցախի բռնակցումը Ադրբեջանին մեր կորուստն է, ինչպես որ մեր ամենամեծ կորուստն է 1915-ի եղեռնը՝ ամբողջ Արեւմտահայաստանի հայաթափումը: Իսկ Պ. Զեյթունցյանը Գրիգոր Զոհրապի կենսագրությունով արծարծում է հենց այդ՝ մեր ամենամեծ կորուստի թեման:

Զեյթունցյանի խիզախումն արժեքավորվում է կրկնակի, քանի որ ժանրի զարգացման ոլորտում գեղարվեստական լուրջ ներդրում լինելով հանդերձ՝ «Վերջին արենագարը» ընդգրկում է մի երկարատև պատմաշրջանի՝ 20-րդ դարի հայ հասարակական-քաղաքական, մարդկային ու բարոյական նշանակալից իրադարձություններին:



յունները, հյուսում դրանց գեղարվեստական տարբերությունը:

Կառուցվածքային այդ ձևը վեպին յուրատեսակ դրամատիզմ է հաղորդել՝ ազատելով դեպքերի երկարաձիգ շղթայի կուտակումներից եւ միաժամանակ պատմական զարգացման ողջ ընթացքին տալով տրամաբանական ու ճշմարտացի հոլովումի ընդհանրություն: Ասել է թե՛ մյուսի տարողունակությունը, երկարատև ժամանակային թվամիջոցը, պատմական բուռն ու հարուստ իրադարձությունները, բազմաբանակ հերոսների խայտաբղետությունն ու նրանց կապերի բարդությունը կենտրոնացնելու, ավելի «տեսանելի» դարձնելու եւ վիպական կուռ համակարգի մեջ դնելու համար Զեյթունցյանի ընտրած կառուցվածքային ձևը միանգամայն հաջող է, իր տեսակի մեջ՝ ինքնատիպ:

Վեպը կազմված է 18 մասից կամ բաժնից, որոնք վերնագրված են 1915 կամ «հետադարձ հայացք» խորագրով, որոնք իրենց մեջ ամբողջացնում են մի կարեւոր եւ նշանակալից իրադարձություն:

Ըստ որում՝ անկարելու չէ նշել, որ վեպում «հետադարձ հայացքները», զբաղեցնելով ոչ քիչ տարածություն (եթե ոչ կեսը, համեմայն դեպս՝ մեկ երրորդից ավելին), չեն դառնում հուշապատումներ կամ սոսկական վերհուշային նկարագրություններ: Դրանք կենդանի գործողություններ են, հավաստի հանգամանքներ՝ իրական հերոսներով՝ խտացված իրենց ժամանակի ու միջավայրի համապատկերում:

Այնուհետեւ, ամեն անգամ դիմելով «հետադարձ հայացքի», վիպասանը խզում չի ստեղծում տարբեր ժամանակների միջեւ, ինչ-որ արհեստական կամ միմյանցից չհնական պարսպով առանձնացված իրականություններ չի ներկայացնում:

Շարունակությունը՝ էջ 8

ՀԱՄԱՇԵԽԱՐՀԱՅԻՆ ՆԿԱՐԶՈՒԹՅԱՆ ՄԵՋ



Սկիզբը՝ էջ 6

Ինձ համար կտավը սպիտակ մակերես է, որի վրա կարելի է արտահայտել ողջ հոգեվիճակը ու միեւնոյն ժամանակ լինել ազատ սեփական մտքերից»:

Մոնպարմասի ազատ ակադեմիան, որտեղ նա ուսանում էր ընդհուպ մինչև 1936 թ., դարձավ նրա առաջին պրոֆեսիոնալ դպրոցը: Երկու տարի անց Հովհաննեսն ավարտեց Փարիզի դեկորատիվ

արվեստի բարձրագույն դպրոցը: Նա մի քանի տարի շարունակ կատարելագործում էր իր արվեստը Սաբատյեի արվեստանոցում:

«Երբեմն ինձ թվում էր, որ մարդ պետք է շատ միամիտ լինի, որ ամբողջ կյանքը նստի կտավի առջեւ, ներկերով պատի այն փորձելով ինչ-որ իմաստ արտահայտել: Բայց ես սիրում եմ այդ գործը, եւ կարծես թե ինձ ինչ-որ բան հաջողվում է», - համեստորեն ասում է աշխարհահռչակ արվեստագետը:

1944 թ. կազմակերպվեց ժամսեմի առաջին ցուցահանդեսը, որը կարճ ժամանակում նրան մեծ ճանաչում բերեց: Իսկ 50-ական թվականների սկզբում նկարիչը մի շարք մրցանակների արժանացավ Ֆրանսիայում եւ եվրոպական այլ երկրներում: Որոշ ժամանակ անց նա ընտրվում է երիտասարդ նկարիչների ցուցասրահի նախագահի պաշտոնում: Ժամսեմն անհատական ցուցահանդեսներ է կազմակերպել աշխարհի մի շարք քաղաքներում՝ մասնավորապես Փարիզում, Նյու Յորքում, Չիկագոյում, Լոնդոնում, Տո-

կիոյում, Յոնում, Բրյուսելում, Լոզանում, Բեյրութում եւ այլուր: Շնորհիվ իր բազմաթիվ ցուցահանդեսների՝ ժանսեմը հայտնի դարձավ ամենուր:

Մեմբերյանն ունի մի շարք գործեր՝ նվիրված դիմապատկերներին, թատերական գործողություններին ու դերասաններին, ում նա ժողովում է վեմետիկյան միջավայրի մեջ:

«Մի ժամանակ ես շատ էի սիրում ժամանակա անցկացնել տան պատերից դուրս: 60-ական թվականների կեսերին Ֆրանսիայում համընդհանուր խելահեղության մթնոլորտ էր տիրում, եւ կյանքն ինձ համար կարծես դիմապատկեր լիներ», - ասում էր ժամսեմը: Բայց եւ այնպես, մոյմիսիկ այդ դիմապատկեր-նկարներում երեւում են կյանքի դրամատիկ, իսկ երբեմն էլ ողբերգական կողմերը: Ժամսեմի կտավներում պատկերված մարդկանց աչքերը լի են անմոռանալի թախծով: Դրանցում հոգեկան տառապանք է զգացվում: Սա անշուշտ կապված է նկարչի մանկական հիշողությունների հետ:

Շարունակությունը՝ էջ 8

ԻՇԽԱՆՈՒԹՅՈՒՆ, ԹԵ՛ ՓՈՐՁՈՒԹՅՈՒՆ...

Սկիզբը՝ էջ 6

Միևնույն ժամանակ պետք է հստակ ընկալել՝ ա. որեւէ թագավոր, իշխանավոր կամ առաջնորդ երբեւէ չի կարող տիեզերքի Տիրակալից վեր ու հզոր լինել. Աստված է ամենայնի եւ բոլորի Տերը, բարձրագույն Օրենսդիրն ու իշխանությունը շնորհողը, բ. Աստված, արքաներին, տիրակալներին կամ ղեկավարներին իշխանություն տալով, նաեւ հնարավորություն է ընձեռում իրենց տրված ազատ կամքով ընտրելու, որոշելու ղեկավարման ձեւն ու եղանակը. թե ինչպէս են մարդիկ տնօրինում իրենց շնորհված իշխանությունը, դա մրանց ընտրությունը եւ որոշումն է, ոչ թե Աստծո, գ. այն, որ երկնային Դայրը որեւէ մեկին իշխանություն է պարգեւում, ամենեւին էլ չի նշանակում, թե հավանություն է տալիս կամ խրախուսում է նրա գործունեությունը: Ահա այս երրորդ կետում է ակնհայտ դառնում հակասականությունը: Այս պարագայում չենք կարող անտեսել մարդկային գործոնը. մարդկային սխալականությունն ու անկատարությունը, մարդկային փոխհարաբերությունները անխուսափելիորեն որոշակի դերակատարում են ունենում իշխանության իրացման եւ իրականացման գործընթացում: Այսպիսով, կրկին հակադրվում են Արարչի կատարելությունն ու բացարձակ իմաստությունը եւ արարածի անկատարությունն ու անխոհեմությունը: Այս մասին է խոսում նաեւ Քրիստոս՝ Իր աշակերտներին պատգամելով հասնել կատարելության (հմմտ. Մատթ. է 48):

Իշխելու, տիրելու հիվանդագին մոլուցքը, իշխանության չարաշահումը արատավորում եւ խեղում են մարդու մեջ աստվածային պատկերը՝ նրան դարձնելով գայթակղիչ՝ չարի հետեւորդ: Այս իմաստով է Աստծո Որդին սատանային անվանում «ողջ աշխարհի իշխան», որը թեւէ փորձում է իշխել (հմմտ. Հովհ. ԺՂ 30), սակայն գահընկեց է արվում եւ արտաքսվում է (հմմտ. Հովհ. ԺՂ 31):

Պատմության մեջ բազմաթիվ են այն դեպքերը, երբ մարդիկ, տիրող իշխանության պատճառով, ընթոստանում են Աստծո դեմ, Նրան մեղադրում անարդարության մեջ... Նրանք տրտնջում եւ բողոքում են, որ տառապում են այդ իշխանության ձեռքում, մտածում, թե դա աստվածային պատիժ է... Սակայն այս պարագայում հստակ պետք է ընկալել այն, ինչ Աստված Իր ամենագործյալմբ իրականացնում է երկնքում եւ երկրի վրա, Նրա փրկագործության մի հատվածը, մասնիկն է... Գուցե ասվածը խիստ հակասական է, սակայն ունի իր հիմնավորումը: Այսպէս՝ ժամանակ առ ժամանակ մարդը (նաեւ հասարակություններն ու ժողովուրդները) հեռանում է Արարչից. սա բնական է եւ բնորոշ մարդկային բնությանը... Սովորաբար մարդը մոռանում է Աստծուն, երբ ապրում է բարեկեցիկ, ապահով կյանքով՝ առանց չարչարանքի ու խնդիրների: Եվ միայն այն ժամանակ է մտածում կյանքի իմաստի եւ իր առաքելության մասին, փնտրում Տիրոջն ու խնդրում Նրա օգնությունը, երբ ենթարկվում է ծանր փորձութեան:

յունների, հայտնվում անելանելի իրավիճակում կամ անասելի տառապում է. «Նայիր Աստծու գործերին. ո՞վ կարող է ուղղել այն, ինչ խախտել է Աստված: Քո լավ օրը բարիքների մեջ ապիր, բայց հիշիր, որ վատ օր էլ կա...» (ժող. Է 14-45): Այսպես է նաեւ հասարակությունների ու ժողովուրդների պարագայում: Մտաբերե՛ք մեր պատմությունը. էրբեք եղել առավել համախմբված, միասնական, աստվածավախ, համբերատար... երբ տառապել ենք, կրել զրկանքներ, առերեսվել բնաջնջման եւ ծուլման վտանգին: Այո՛, արքաները, տիրակալներն ու իշխանությունները փոփոխվում են, փոխարինում իրար՝ ժողովրդի կյանքում ունենալով դրական կամ բացասական դերակատարում: Սա էլ Բարձրալի կողմից Իր կամքը հայտնելու, որոշակի ճանապարհ նախանշելու, մարդկության մեջ փորձությունները հաղթահարելու ուժ եւ կարողություն ձեւավորելու միջոց է: Նշենք նաեւ, որ աստվածային տնօրինությունները, ուղիները, որոնց խորքային իմաստն ու նշանակությունը հաճախ անընկալելի եւ անհասանելի են մեր մարդկային բանականությանը, նպատակաւորված են մարդուն, հասարակությանը, ժողովրդին մաքրագործելուն, հղկելուն եւ կատարելագործելուն: Հոգեւոր ու նյութական ճգնաժամից, փորձությունների ծանր ժամանակաշրջանից հետո մարդկային հասարակությունները, դուրս մղելով տարիներ առաջ ընթացում կուտակված բացասական արիւնքներն ու ասելությունը, մաքրագործվում են, սրբագրում իրենց սխալները, դառնում նորի հանդեպ առավել ընկալունակ, փոփոխություններին պատրաստ, առավել հանդուրժող:

Իշխանությունը ծառայություն է, ոչ թե արտոնություն կամ «զենք», իսկ իշխանավորն Աստծո ծառան է երկրի վրա, Նրա կամքը կատարողը: Աստծո Որդու իշխանությունից առավել մեծ ու զորեղ իշխանություն ունի մեկը չի ունեցել եւ չի ունենալու (հմմտ. Մատթ. ԻԸ 18), սակայն Նա ասում է. «...մարդու Որդին չեկալ ծառայություն ընդունելու, այլ ծառայելու...» (Մատթ. Ի 28): Ի վերջո, բոլոր իշխանություններն էլ հաստատվում եւ փոփոխվում են Աստծո կամքով՝ ի լուսն ժամանակի՝ իրենց դրական կամ բացասական գործառնությոն իրագործելով, քանզի «...ամեն բանի ժամանակը կա, եւ աշխարհում ամեն գործ ունի իր ժամանակը» (ժող. Գ 1):

Սերն է հոգեւոր եւ աշխարհիկ իշխանության հաստատման միակ ճշմարիտ ուղին. սերը իր նմանի, սեփական ազգի, հայրենիքի, եկեղեցու, Տիրոջ հանդեպ, որպէս սրբազան կանթեղ, լուսավորում է մարդու ճանապարհը, առաջնորդում նրան: Միայն սիրելով կարող ես սեր ստանալ, իշխել մարդկանց սրտերին, հոգում, մտքին: Սերն է ծնում մկրտում, ինքնագոհողություն, խոնարհություն, համբերություն եւ հանդուրժողականություն. «Այն օրը, երբ սիրո ուժը կիշխի ուժի հանդեպ տաճած սիրո վրա, աշխարհում խաղաղություն կտիրի» (Մահաթմա Գանդի):

Արփինէ ԶԱՆԹԻԿՅԱՆ

ՊԵՐՃ ԶԵՅԹՈՒՆՅԱՆ ՎԵՐՋԻՆ ԱՐԵԼԱԳԱԼԸ

Սկիզբը՝ էջ 7

Մեր առջեւ իր ամբողջ հասակով վերհանում է արեւմտյան իրականությունը՝ պատմագեղարվեստական այնպիսի լուսարձակով, որը միասնության մեջ է պատկերում կյանքը, ժամանակն ու պատմությունը, ժողովրդի ու բազմաթիվ անհատականությունների ճակատագրերը:

Ուստի նպատակահարմար ենք համարում վեպը քննության առնել քրոնոտոպային առանձնահատկությամբ: Տարածածանակային որոշակի սահմաններում, «Վերջին արեւագալի» քրոնոտոպը Ձեյթունցյանի մեծագույն վարպետության կնիքն է կրում: Ամբողջ վեպը կառուցված է տարածածանակային մուրբ կապերով: Հետադարձ հայացքների սկզբունքով՝ վեպի քրոնոտոպը ձեւակերտվում է հիմնականում տուն-խմբագրատուն, ապա նաեւ կայարան, գինետուն շղթայում եւ A2B1C2D1 գենոտիպի բանաձեւով:

«Վերջին արեւագալը» վեպում քիչ չեն նաեւ այն էջերն ու հատվածները, որոնք ունեն հրապարակախոսական շունչ: Վեպում Պ. Ձեյթունցյանը հրապարակագրի իր տաղանդը սրել է պանիսլամիզմի ու պանթուրքիզմի տխրահեռակ գաղափարախոսության եւ ռազմատենչ-զավթողական դրվագներում, լայն պարագծերով ցույց տվել նաեւ եվրոպական դիվանագիտության երկդիմությունը: Հատկապես թուրքական մեջլիսի անդամների, երիտթուրքերի պարագլուխների ու գերմանական դիվանագետների կապերն ու փոխառնությունները վեպում պատկերված են հրապարակախոսության մեծ կրքով ու շիկացմամբ՝ ցայտուն երանգներ հավելելով մի շարք կերպարների բնավորություններին:

Ամենամեծ մվաճմանը Պ. Ձեյթունցյանը, իհարկե, հասել է գլխավոր հերոսների հոգեբանական խտացումներով, արվեստի մուրբ միջոցների կիրառման շնորհիվ՝ գեղարվեստական-տիպական ընդհանրացումներով: Գրիգոր Ձոհրապը՝ վեպի կենտրոնական դեմքը, կինը՝ Կարան, թուրքական պառլամենտի անդամ, Ձոհրապի մտերիմ ու գաղափարակից Վարդգեսը, երիտթուրքերի առաջնորդներից առանձնապես «անճոռնի արջ» Թալեաթը, «կուզիլ թխսամայր» Ջենալ փաշան, Խալիլ բեյը, օտար դիվանագետներից Մորգենթաուն, Վազենհայնը եւ ուրիշներ կերտված են գեղարվեստական բազմազան հնարքներով եւ դարձել են շոշափելի անհատականություններ:

Ձոհրապը 80-ականների հայտնի գործիչների՝ Արփիարյանի, Կամսարականի, Բաշալյանի, Հրամտ Ասատուրի եւ մյուսների միջավայրում, մրանց լուսավորական-դեմոկրատական գործունեությունը, ընտանիքում Ձոհրապի անձնական կյանքի ու կենցաղավարության մանրամասները,

թուրքական պառլամենտը եւ Ձոհրապը, վերջինիս պայքարը ազգային-հասարակական շահերի պաշտպանության դիրքերում, Ձոհրապի մարդկային-քաղաքացիական դիմանկարը,- այս եւ ուրիշ շատ խնդիրներ ու հանգամանքներ մարմնավորվել են վեպում գլխավոր հանգույցի եւ արծարծվող հիմնահարցերի լուսաբանության դիտանկյունից եւ մարմնավորվել գեղարվեստական բարձր մակարդակով:

Պ. Ձեյթունցյանը հոգեբան արվեստագետ է ու պատահական կերպարներ եւ իրավիճակներ չի ստեղծում: Նրա երկխոսությունները զարմանալի խտություն, հագեցվածություն ունեն, աչքի են ընկնում ներքին դրամատիզմով: Կաշառում է վիպասանի խոսքի լարվածությունը: Իսկ հերոսների փոխհարաբերությունների հասարակական-մարդկային բովանդակությունը, կարճ կամ երկար զրույցների իմաստային խորքը, մենախոսությունների փիլիսոփայական շերտերի բազմազունությունը, վիպական բարդ կառույցի մեջ գեղարվեստական ամենատարբեր հնարանքների փայլուն մուծումները հաստատում են Պ. Ձեյթունցյանի անուրանալի վարպետությունը:

Գրողի ու նյութի «մերձեցումը» գեղարվեստում անչափ էական է: Պարզ է՝ խոսքը ճշմարիտ գրողի մասին է, քանի որ, հականակ դեպքում, առհասարակ ոչինչ չի կարող կայանալ: «Վերջին արեւագալը» վեպում քիչ է ասել, թե տեղի է ունեցել այդ «մերձեցումը»: Ուղղակի տեղի է ունեցել մի «հարազատ հանդիպում», խիստ սպասվող, այնքան ցանկալի հանդիպում, որի արդյունքը, անպայման, պետք է արգասավորվեր նման մի երկի գեղեցիկ ծնունդով: Պ. Ձեյթունցյանը քաջ գիտեր արեւմտահայ ամբողջ գրականությունը, դարակազքի արձակը եւ պոեզիան: Ոչ միայն Ձոհրապի նովելներից ու բանաստեղծություններից քաղված հատվածները, այլեւ Վարուժանից, Սիամանթոյից եւ արեւմտահայ մյուս հեղինակներից բերված տողերն ու մտքերը ասես արյունով գրված, արյունով ցողված հնչում են վեպի համապատասխան էջերում այնքան տեղին, կարծես ստեղծված են հենց այդ նպատակով, հենց այդ դրվագների համար: Սա արդեն գրողի բախտավորությունն է: Իսկ առանց նյութի «հարազատության», առանց ժամանակի ու միջավայրի եւ իրական-պատմական հերոսների անթերի ճանաչողության անկարելի էր հասնել այդպիսի արդյունքի:

Պ. Ձեյթունցյանի «Վերջին արեւագալը» վեպն այսօր հայրենասիրության պայծառ դասեր է տալիս: Սովորեցնում է ապրել հավատով ու արժանապատիվ: Այնպես, ինչպես կային, ինչպես մաքառեցին ու նահատակվեցին վեպի հերոսները:

Սամվել ԵՂԻԱՋԱՐՅԱՆ

ԺԱՆՍԵՄԸ ԵՎ ՆՐԱ ԱՎԱՆԴԻ ՀԱՄԱԵԽԱՐՀԱՅԻՆ ՆԿԱՐԶՈՒԹՅԱՆ ՄԵՋ

Սկիզբը՝ էջ 6-7

Գուցե սա է պատճառը, որ ֆրանսիացի արվեստի տեսաբանները հայազգի արվեստագետին անվանում էին «մերժվածների նկարիչ»:

Ժամսեմն առաջին անգամ Հայաստան է այցելում դեռեւս խորհրդային տարիներին՝ 1973 թ.: Հայրենյաց երկիրը ոգեշնչեց արվեստագետին, եւ նա նկարների մի ամբողջական շարք ստեղծեց: Դրանցից էին «Երկնագույն ցեղասպանություն», «Դրվագ կոտորածներից», «Փախստականներ», «Տիրություն», «Բռնություն» եւ այլ ստեղծագործություններ: Այս նկարների շնորհիվ արվեստագետը մտովին կրկին ու կրկին վերադառնում է իր համար ծանր ժամանակները: Ի վերջո ժամսեմը 34 նկարից կազմված մի ողջ շարք է ստեղծում, որը կոչվում է «Ցեղասպանություն»: 2001 թ. ֆրանսահայ նկարիչն այցելում է Հայաստան եւ վերը նշված շարքի բոլոր 34 նկարները նվիրաբերում Հայոց ցեղասպանության թանգարանին՝ իբրեւ հարգանքի տուրք եղեռնի զոհերին:

Մի անգամ ժամսեմն ասել է հետեւյալը. «Չափազանց բարդ է արվեստի միջոցով արտահայտել ազգային ողբերգությունը: Մի քանի տարի շարունակ ես իմ միջով եմ անցկացրել անցյալի ողջ ողբերգությունը, երկար-բարակ մտորել եւ միայն դրանից հետո եմ վճռել սկսել ցեղասպանությանը

նվիրված կտավների շարքը: Եղեռնի թեման մի խնդիր է, որի մասին ես մտածում եմ մինչ այժմ»:

Ժամսեմն իր մահկանացուն կնքեց 2013 թ. օգոստոսի 27-ին: Մահանալուց առաջ նկարիչը շարունակ հարցնում էր ինքն իրեն. ինչու է ինքն իր ողջ կյանքն անցկացրել ֆրանսիայում, եթե հոգով ու սրտով ֆրանսիացի չէ: Ակնհայտորեն սրա պատճառը Հայոց ցեղասպանությունն էր, որը վտարանդի դարձրեց թե՛ մեծամուն նկարիչն ու թե՛ տասնյակ հազարավոր այլ հայորդիներ:

Տիգրան ՄԱՆՈՒՅԱՆ
Բանասիրական գիտ. թեկնածու

ՔՐԻՍՏՈՆՅԱՂ ԴԱՅԱՍՏԱՆ

Կրոնական, մշակութային, լրատվական երկշաբաթաթերթ

Հիմնադիր՝
Մայր Աթոռ Սուրբ Էջմիածին

Հրատարակիչ՝
«Քրիստոնյա Հայաստան»
թերթի խմբագրություն

Գլխավոր խմբագիր՝
Աստղիկ Ստամբուլցյան

Գրանցման վկայական՝ 624
Խմբագրության հասցեն՝
Մայր Աթոռ Սուրբ Էջմիածին

Հեռախոս՝ 517 197

Էլ.փոստ՝ qristhay@etchmiadzin.am
astghikstam@gmail.com

web կայք՝
krishayas.wordpress.com

Ստոր. տպագր. 16.07.2018 թ.

Տպաքանակը՝ 2100
Գինը՝ 50 դրամ